

EFA NANDRE AHO FA

ANKEHITRINY KOSA AHO MAHITA

 Afaka mipetraka ianareo. Tsara ny tafaverina indray an'ity fanararaotra ity hanompoana ny Tompo. Ary rehefa avy nihazona anareo ela loatra omaly hariva, dia tsapako fa tsy ho tsara ny hihazona anareo ela indray izao hariva izao.

² Tao aoriana tao fotsiny aho nihaino rahalahy iray mpiaramiasa aminay, ao amin'ny Tompo, izay vao avy tany Indiana, taitra nohon'ny nofy hafahafa iray. Tsy mbola teto Shreveport mihitsy izy tany aloha, teo amin'ny fainanay. Fa nanonofy izy, indray alina, hoe tonga teto Shreveport, tsy tamin'ny fierany. Fa tonga izy niarakana tamin'ny...na tonga tany ho any, tao amin'ny fiangonana iray izay niresahako. Nilaza izy, taorian'ny nitoriako sy nivavahako ho an'ny olona, nanao hoe, "Hisy zavatra hitranga." Nolazainy, fa izy "dia niverina ny ampitso." Ary nilaza izy, fa izy "dia nahafantatra an'ilay tranobe, hoe toy ny ahoana izany." Hoy izy, "Nisy ny—nisy toera-malalaka iray an'ny fanjakana teo am-pitan'ny lalam-be, saingy tsy niditra tao amin'ilay toera-malalaka mihitsy izy ireo." Hoy izy, "Teo amin'ity ilany ity izany, tao amin'ny tranovato be izay nisy elatra iray teo aminy, ary tena vita tahaka an'ity mihitsy ilay tranobe." Ary ilay—ilay zazalahy dia mpanonofy, efa nahita nynofiny aho ka fantatro fa marina izy ireo.

³ Ary hoy izy—ary hoy izy hoe, "Avy eo tamin'ny hariva farany" dia izaho "no niresaka sy nivavaka ho an'ny marary." Dia hoy aho hoe, "Misy zavatra natao hitranga." Fa toy ny hoe ketrobaratra iray ilay izy." Hoy izy, "Nanomboka nihiaikiaka ny olona." Ary hoy izy, "Raha nanomboka nanalavitra ilay ketrokorana, eny," hoy izy "Izany dia nanao feo iray, ary nanomboka niteny." Hoy izy, "Nandeha io fitenenana io, ka teo amin'ireo makarakara ireo (ireo varavarankely eto ambony eto ireo) no nahatongavan'ny Voninahitr'Andriamanitra, niditra, tamin'ny endrika Andry Afo." Tsy mbola nahita an'Izany mihitsy izy. Efa nandre antsika niresaka ny amin'Izany izy, saingy tsy mbola nahita an'Izany mihitsy ny tenany. Dia hoy izy, "Teo Izany, tonga avy teo amin'ireo varavarankely ambony ireo tahaka an'izany, ary nanao an'ilay Hazavana tahaka ny hitanareo ao amin'ilay sary, teo ambonin'ny mpanatrika teto mihitsy." Ary hoy izy, "Nitratreronona zavatra iray Izany." Ka nolazainy, fa izaho "dia nitsangana, ary nanao hoe, 'Io no Jehovah Andriamanitra.'"

⁴ Ary nolazainy fa izy "dia nampahatsiahivina (rehefa nieritreritra ny amin'Izany) ny amin'i Mosesy rehefa niantso

ny . . . nitondra ny vahoaka nivoaka an'i Egypta. Dia hoy izy ireo hoe, 'Aoka i Mosesy no hiteny, fa tsy Andriamanitra, fandrao maty izahay."

⁵ Hoy izy hoe, "Nitsilany teo amin'ny gorodona ny olona rehetra, ny tānany nitsangana, nihiakiaka." Nolazainy fa izy "dia nihiakiaka, ihany koa hoe, 'Tompo Andriamanitra, tiako Ianao! Tiako Ianao!'" Ary nandona azy ny vadiny ka namoha azy.

⁶ Mahita azy midina eo amin'ny lalantsara aho izao ankehitriny izao, Rahalahy Jackson, mpitoky teny Metodista fahiny iray. Ary tena nikorontana tanteraka izy, hany ka tonga izy; ary nolazainy fa rehefa niditra izy, izy "dia tena talanjona tanteraka," tamin'ny fomba nahitany an'izany marina tokoa tao amin'nynofy iray. Tsy fantatro hoe inona no dikan'izany. Nafenin'ny Tompo tamiko izany. Fa misy zavatra mety hitranga, eo am-pahitana an-dRahalahy Jackson nanonofy an'izany, mahafantatra azy ho mahitsy fo iray, tena—tena lehilahy, mpanompon'Andriamanitra.

⁷ Ary izaho—izaho dia mahafantatra azy fa nanonofynofy, nanatona ahy, ka nanome ahy ny fandikana ny Tompo, tena tahaka an'izany tanteraka mihitsy ilay izy. Na dia, indray mandeha, tamin'ny fandehanako nankany Arizona aza, dia nahazonofy an'izany izy.

⁸ Ary tena mikorontana tokoa izy. Miaraka amin'ny vadiny izy, nentiny izy. Ho reny iray tsy ho ela izy, ka tamin'ny alàlan'ny fiaramanidina no fomba tokana azony nandehanana. Tsy nanana iraimbilanja hahatongavana izy, fa olona iray no nanome azy ny vola. Ary noho izany dia karazan'ny voalamina tamin'ny fomba mahagaga ilay izy, koa misy zavatra mety hitranga; manantena an'izany isika. Tsy fantatsika fotsiny hoe inona no homanin'ny Tompo ho antsika.

⁹ Ankehitriny, mankasitraka ny Tompo isika fa velona amin'ny andro izay iainantsika, mialoha indrindra ny fihavian'i Jesosy. Araky ny nolazaiko tany aloha, izao no fotoana lehibe indrindra amin'ny tantara rehetra. Aleoko velona izao ankehitriny izao toy izay tamin'ny fotoana hafa iray, ho . . . eto an-tany.

¹⁰ Mahita aho eto anoloantsika eto, izao hariva izao indray, dia ny sakaiza tsarako, Rahalahy Dauch. Nanonona azy tao amin'ilay toera-malalaka aho aninkeo maraina. Telo amby sivifolo taona androany Rahalahy Dauch, voatahy toy ny ahoana izany. Manolotra ny fiainany lava ho an'ny voninahitra sy fiderana an'Andriamanitra izy, telo amby sivy folo taona androany. "Tratry ny Tsingerin-taona nahaterahana" ianao, ry rahalahiko! Ary fantattro fa any ivelany, any, manodidina ny firenena izay ihaion'izy ireo izao hariva izao, dia mirary koa izy ireo ho an-dRahalahy Bill Dauch ny "Tratry ny Tsingerin-taona nahaterahana." Tena sakaiza manokan'i Oral Roberts izy, maro, marobe no nampiany tao amin'ny lâlan'ny Filazantsara, sy ny sisà. Sakaiza lehibe antsika izy.

¹¹ Faly mahita an-dRahalahy Mann eto, mpitory teny Metodista hafa iray, voavonjy sy vita batisan'ny Fanahy Masina, ary tamin'ny Anaran'i Jesosy Kristy, mipetraka eto. Izy, ihany koa, dia iray amin'ireo mpiara-miasa aminay avy any Indiana. Ary azoko fa Rahalahy Hickerson no mipetraka eo akaikiny eo, iray amin'ireo diakonay avy any Jeffersonville, Indiana (mihaino izy ireo any izao hariva izao). Ary azoko fa Rahalahy Wheeler, iray amin'ireo diakona hafa dia eto any ho any. Fa izaho—izaho tsy mbola nahatsikaritra azy mihitsy, misy olona manondro amin'ny rantsan-tànany mankany ary ho hitako izy afaka kelikely; mipetraka ery, ery amin'ny ankavanana, eny.

Rahalahy Banks Wood, raha mihaino ianao izao hariva izao, dia teto ny rahalahinao omaly hariva. Nahita azy aho rehefa nivoaka, Rahalahy Lyle. Vavolombelon'i Jehovah; niova fo ilay vondrona manontolo. Niditra i Lyle nohon'ny fahitana iray avy tamin'ny Tompo.

¹² Nipetraka tao anatin'ny lakana i Lyle tany tamin'io andro io, rehefa nolazaina taminy ny andro talohan'io fa “misy zavatra” izay “hitranga mikasika ny fitsanganan'aina iray.” Izy dia tena Vavolombelon'i Jehovah iray, ihany koa! Fa tamin'io maraina io, nipetraka tany, nanjono, ary izy dia nahazo... Eny, izy dia nanana lehibe iray, ilay goavana (fomban'i Kentucky izany, fantatrareo)... lelam-pitana goavana iray ary trondro kely, bitika iray no nitelina azy. Ary nendahiny fotsiny ireo sofinkazandrano, ireo tsinay sy ny rehetra nivoaka, natsipiny teo amin'ny rano izany (trondro kely, mangirana bitika), dia hoy izy hoe, “Eny, ry namana kely, nitifitra ny fara-balanao ianao.” Ilay kely... nivadibadika teo ambonin'ny rano, maty, ny rivotra no nitsoka azy nankeo amin'ny dobon'ny lisy iray.

¹³ Ary ny andro talohan'io, nipetraka, dia hoy aho hoe, “Miteny amiko ny Fanahy Masina fa ‘hisy fitsanganan’ny zava-boahary kely iray.’ Angamba izany ho—ho saka kely iray, rehefa tafaverina any an-trano aho, satria fotsiny...”

¹⁴ Rehefa niezaka nangady fandri-trondro iray izahay, izaho sy Rahalahy Wood, izay mihaino izao hariva izao, ny zanakovavy kely izay vehivavy tanora iray mipetraka eto, voafofon'io miaramila lava mahia io. Raha izy ireo... Tonga izy, hoy izy hoe, “Dada...” Izy sy ilay zazavavy hafa, nanao hoe, “Isika...” Ankehitriny, afaka manana ny karazana biby ompiana rehetra izay tiany ny olona rehetra, saingy azoko antoka fa tsy tia saka iray aho, noho izany izy... na ny Branham. Noho izany izahay... hoy izy hoe, “Oh, nahita saka mampalahelo iray izahay eto, ry Dada. Izy dia—izy—izy dia nihinana zavatra iray ary izy... nisy olona nanapoizina azy, nibontsina tanteraka izy.” Hoy izy, “Dada, ho faty tsy ho ela izy, afaka maka boaty kely iray ve izahay ka hitahiry azy andro vitsivitsy?”

¹⁵ Hoy aho hoe, “Avelao aho hijery an'ilay saka.” Eny, nandeha izy ireo ary naka an'ilay saka. Hitako izay nitranga, noho izany nomeko boaty iray izy. Ary ny ampitso maraina, dia nisy

teo amin'ny fito na valo ireo saka kely teo, fantatrareo. Noho izany ny zanakolahy kely, Joe, dia naka ny iray tamin'izy ireo, ary nangeja azy ka nandatsaka azy tamin'ny tany; ary dia—dia... niolanolana nanodidina sy nanodidina teo ilay biby kely, namono azy izany.

¹⁶ Ary nilaza tamin-dRahalahy Lyle aho, ny rahalahiny, hoy aho hoe, “Fantatralo, mety ho io saka kely io no hitsangana, tahaka ny efa nahitantsika ny Tompo nanao zavatra.”

¹⁷ Rahalahy Lyle, vao vaovao mihitsy tamin'ilay lèlana. Vao avy niteny taminy ny Fanahy Masina hoe nanambady izy, sy izay efa nataony, ary ireo ratsy izay efa nataony, ireo zavatra izay efa nataony. Eny, nihevitra izy hoe i Rahalahy Banks no niteny tamiko an'ireo zavatra ireo. Fa rehefa tena nampiharihary azy tanteraka Izany, ka niteny taminy izay nataony ny hariva talohan'io, izany dia—izany dia mafy loatra ho azy. Tsy nety azony ilay izy.

¹⁸ Noho izany, ny ampitso maraina... Raha nanjono izahay ny alina manontolo, niaraka tamin'ny trondro kely, nahazo vitsivitsy izahay mba ho fandrika. Fa natsipiny tao anaty rano fotsiny io trondro kely io, nangovitra, nitsikasina tanteraka. Teo amin'ny antsasak'adiny taty aoriana dia nipetraka teo izahay, ary izaho no... Hoy aho hoe, “Rahalahy Lyle, navelanao hitelina ny lelam-pitana hatrany amin'ny vavoniny ilay trondro. Hitanao?” Hoy aho hoe, “Alaivo ny fintana fanipy eto, atsipazo eo izany, ilay fandrika tahaka an'izao; vantany vao mahakasika an'izany fotsiny izy,” hoy aho “amin'izay fotoana izay dia hazony izy ary ento avy eo.” Hoy aho hoe, “Izy... aza sintonina tahaka an'izao izy, tsy hitelina an'izany izy, alaivo ilay trondro.”

¹⁹ Hoy izy hoe, “Eny...” Izy dia nanana tadm-pintana lehibe, goavana iray nihantona teo, hoy izy, “Izao no fomba fanaovanay azy,” tahaka an'izany.

²⁰ Noho izany, saiky tamin'io fotoana io, dia nandre Zavatra iray aho tonga avy tany an-tampon'ilay tendrombohitra tany, tadio iray, nihodinkodina nanodidina sy nanodidina. Indro nidina tahaka an'izao Izany, ary tonga teo ambonin'ilay lakana ny Fanahin'Andriamanitra, nanao hoe, “Mitsangàna ianao.” Hoy Izy, “Mitenena amin'io trondro maty io. Manaova hoe, ‘Averiko aminao ny ainao.’”

²¹ Ary nandry teo nandrity ny antsasak'adiny io trondro kely io, niaraka tamin'ireo tsinainy teo amin'ny vavany, sy ireo sofinkazandranony. Hoy aho hoe, “Ry trondro kely, mamerina aminaio ny ainao Jesosy Kristy. Aoka ho velona, amin'ny Anaran'i Jesosy Kristy.” Nivadibadika tamin'ny lamosiny izy, ary nandeha nidina tany anaty rano haingana arak'izay azony nandehanana.

²² Rahalahy Lyle, eto ve ianao any ho any? Izaho—izaho dia nahita anao omaly hariva. Na ato anatiny izy, any ivelany, na aiza no misy azy, atsangano ny tanaao raha afaka mahita anao aho. [Olona iray ao amin'ny fiangonana no manao hoe,

“Rihana ambony.”—Mpand.] Ahoana hoe? Eny amin’ny rih-... Oh, eny, ery ambony amin’ny rihana ambony, eo akaikin’ireo varavarankely ery aoriana ery. Io ilay lehilahy, Vavolombelon’i Jehovah iray.

²³ Hoy izy hoe, “Rahalahy Branham!” Taitaitra tanteraka izy, hoy izy hoe, “Ah, tena—tena tsara ny tonga eto. Sa tsy izany?” Hoy izy hoe, “Ah-hah, ianao ve—ianao ve... Ah, mihevitra ve ianao fa nohon’ny amiko izany, hoe—hoe—hoe, hoe izaho no niantso an’io trondro kely io, nanao hoe, ‘Nitifitra ny farabalanao ianao?’” Hoy izy, “Izany—izany—izany ve dia midika zavatra iray ho ahy?”

²⁴ Hoy aho hoe, “Tsia, tsia, fanamarinana iray fotsiny.” Tena kivy tanteraka izy mikasika an’izany.

²⁵ Eny, manao dia izahay ary mahita an’ireo zavatra ireo miseho ianareo, mahafantatra... Ankehitriny, eritrereto fotsiny, inona no tsy maintsy nasehon’izany? Nanana ankizy kilemaina maro aho teo amin’ny lisitry ny fivavahako, nivavaka ho an’izany, saingy rehefa tonga ny fahitana dia ho an’ny trondro kely tranainy iray ilay izy saiky toy izao ny halavany, teo amin’ny roa inches teo ny halavany na telo. Toy ny hoe ilay lelam-pintana no goavana noho ilay trondro. Fa ny naha-izy azy, dia ny hanehoa aminareo fa mihevitra an’ireo zavatra kely ihany koa Andriamanitra. Hitanareo?

²⁶ Indray andro rehefa nipetraka nanerana ny firenena rehetra ireo boka, dia nampiasa ny Heriny Izy ary nametraka ozona teo amin’ny hazo iray. Nanomboka nihamaina izy, nefo nisy olona nipetraka hatraiza hatraiza nila an’io herin’ny fanasitranana io. Fa, hitanareo, te-haneho Izy fa Izy no Andriamanitra eo amin’ny zavatra rehetra, na kely izany, na goavana, na inona na inona ilay izy. Mbola Andriamanitra foana Izy eo amin’ny zavatra rehetra, ny famoronana rehetra. Noho izany tantsika Izy satria... Izany—izany no manao antsika hahafantatra, fa raha liana Izy ny hiteny ny Tenin’ny fiainana tao amin’ny trondro kely iray tsy misy dikany nandry maty teo, teo ambonin’ny rano nandrity ny antsasak’adiny, dia afaka tokoa Izy indray andro any ny hiteny Fiainana ao amin’ireo Zanany. Tsy mampaninona na tsy hisy afa-tsy vovoka eran’ny sotro aza sisy ny vatanareo, hiteny Izy, ary hamaly Azy isika indray andro any. Izy no Andriamanitra Izay liana amin’ny zavatra rehetra, izay rehetra ataontsika, izay rehetra lazantsika, ny zavatra rehetra. Liana Izy.

Ankehitriny ndao isika hanondrika ny lohantsika, na aiza na aiza.

²⁷ Manontany aho ankehitriny, alohan’ny hivavahantsika, raha misy olona izao hariva izao izay liana ny Aminy, kanefa mbola tsy nanao ny famandrihan-toeranareo ianareo ho an’ilay Tany hafa izay handehanantsika hahita Azy. Fantatrareo, tsy afaka ny hiditra tsy misy famandrihan-toerana ianareo. Ary raha tsy mbola nanao azy ireny ianareo, nefo te-ho tsaroana am-

bavaka ankehitriny, mba ho vita tsara ny zavatra rehetra eo aminareeo sy Andriamanitra izao hariva izao, dia hanangana ny tanganareo ve ianareo; hilaza hoe, “Tsarovy aho, Tompo”? Ianareo dia... avelao fotsiny Izy hahita ny tanganareo. Andriamanitra, ekeo izany.

²⁸ Ray An-danitra, raha mitsangana eo anelanelan’ny velona sy ny maty izahay izao hariva izao; ary ireo zavatra izay mitranga ao amin’izao andro izao, mahagaga, azo antoka fa mahagaga izy ireo; saingy Andriamanitra, Ianao no mahafantatra na marina izy ireo na tsia, Ianao no Mpitsara feno haja an’ny lanitra sy ny tany. Ary milaza an’izany izahay, Tompo, mba hampahery fotsiny ny olona (ny sasany amin’ireo zavatra izay efa Nasehonao taminay), mba hahatonga azy ireo hahery hitia Anao sy hino Anao, hanompo Anao, ary hahafantatra fa tsy mampaninona na kely toy ny ahoana aza ilay asa, tsara na ratsy, dia Hitanao izany. Mivavaka aho, Andriamanitra malala, mba Hitahianao ny tsirairay avy amin’ireo tanganana ireo izao hariva izao, ary ny aina sy ny fanahy izay nanetsika an’io tanganana io hitsangana. Ary mivavaka aho, Andriamanitra, mba ity no ho alina izay hanaovana ny famandrihan-toeran’izy ireo ho an’io Tany any ankoatry ny renirano io. Ekeo izany.

²⁹ Sitrano ny marary sy ny ory, Tompo, izy roa eto, ny rehetra manerana ny firenena izay ny—ny—ny fandefasam-peo dia mandeha amin’ny alàlan’ireo telefona. Tahio ireo any ivelany izay tsy voavonjy, manomboka any California ka hatrany New York, manomboka any Canada ka hatrany Mexico. Ekeo, Tompo, mba ny olona rehetra eo ambanin’ny fanenon’ny feonay, izao hariva izao, no ho voavonjy hiala amin’ireo fahotany, ho sitrana amin’ny aretiny, nohon’Ny Fanatrehanao Masina.

³⁰ Ary io Rahalahinay Jackson io, izay nandeha fiaramanidina tamin’io lèlana rehetra an’arivony maily io eto, mba ho eto nohon’ny zavatra iray hafahafa izay nanaitra ny fony; “Ary hanonofy nofy izy ireo, sy hahita fahitana.” Andriamanitra malala, Ianao no nanafina an’izany ho tsiambaratelo iray tamiko, inona no dikan’izany; tsy fantatro. Fa raha hamangy anay Ianao, Tompo, dia omany ny fonay ankehitriny ho an’izany famangiana izany. Mba hahatonga anay ho eo ambanin’ny fiandrasana, tsy mahafantatra izay Hataonao, ary tsy mahafantatra raha Ianao no nampanantena hamangy anay amin’ny alàlan’izany nofy izany; tena tsy fantatray. Fa izahay dia—dia manonona fotsiny an’ireo zavatra izay azonay, hoe Ianao no nampanantena fa hamangy ny Olonao, ka mivavaka izahay mba Hanovaonao ny Tenanao ho tena misy aminay eto. Amin’ny Anaran’i Jesosy Kristy no angatahanay an’izany. Amena.

³¹ Ankehitriny, izao hariva izao, rehefa avy nihazona anareo ela loatra omaly hariva sy aninkeo maraina, ary somary farim-peo kely aho. Manana singam-bolo kely aho izay anaovako, entiko eto amin’ny faritro sola *eto* rehefa mitory teny. Fa adinoko ilay

izy amin'izao fotoana izao, ary ity rivotra ity, mitsokaavy eo amin'ireto varavarankely ireto, dia manomboka manome ahy ny—ny farim-peo kely. Taloha aho... Tsy maintsy namarana an'ireo fivoriana aho, fa hatramin'ny nahazoako azy, dia tsy voaelingelin'izany intsony aho, manohy fotsiny aho. Ary adinoko ilay izy, ary izany dia... Izaho dia... mahatsapa kely an'ilay izy, noho izany hankasitrahana ny vavakareo. Ary ankehitriny, misy fivoriana roa isan'andro, hany izy ireo ka... somary lasa... Fantatrareo, rehefa mandeha maily maro be ianareo, izany... afaka miteny an'ilay izy ianareo.

³² Koa ankehitriny ho anareo olona any California, ary ianareo any Arizona, mandefa ny fiarahabana manerana ny firenena izahay rehetra. Rahalahy Leo sy ilay vondrona izay miandry ny Tompo any Prescott, nasaina ankehitriny, ary ianareo olona rehetra manodidina an'ny Phoenix, herinandro manomboka izao hariva izao, dia tsy maintsy ho any Yuma izahay ao amin'ilay fanasana. Namidin'izy ireo ny tapakilany rehetra any ary nahazo toera-malalaka goavana kokoa, nef a tsy afaka mametraka ny olona ianareo. Noho izany tongava aloha, ianareo rehetra, mba—mba ho tafiditra. Avy eo dia handeha any Los Angeles izahay avy any, ny Alatsinainy manaraka... Alahady manaraka, Alahady hariva. Ary noho izany manantena ny hahita anareo rehetra any izahay. Ireo fitahiana manan-karenan'Andriamanitra anie hitoetra eo aminareo rehetra.

³³ Ho anareo any New York, ary ianareo izay manodidina an'i Ohio sy ireo toerana samihafa, te-hitory tsy ho ela aho ny Hafatra mikasika *Ny Dian'Ilay Menarana* (ilay bibidia tany amin'ny voalohany, ary ilay bibidia tany amin'ny farany), ao amin'ny tabernakla. Handefa naoty iray ho anareo ny amin'izany i Billy, rehefa hiresaka an'izany izahay, ny antony hanaovako an'izany ao amin'ny Tabernakla satria izany dia, fara-fahakeliny, ho ora efatra na mihoatra ny halavany.

³⁴ Noho izany ankehitriny... noho izany tiako ianareo eto, eto ary na aiza na aiza no misy anareo ankehitriny, hamadika ao amin'ny Bokin'i Joba. Boky tena hafahafa hitoriana teny, saingy te-hampiasa naoty vitsivitsy fotsiny aho eto ankehitriny.

³⁵ Ary avy eo, rahampitso maraina, eto amin'ny tabernakla, dia hisy fivorian'ny Sekoly Alahady amin'ny... Amin'ny firy isika eto no manomboka? [Hoy ny lehilahy iray hoe, "Amin'ny sivy sy sasany."—Mpand.] Amin'ny sivy sy sasany. Ary noho izany manana tombontsoa aho hiresaka eto indray rahampitso. Ka raha sitraky ny Tompo, dia tiako ny hiresaka eo amin'ny lohahevitra... raha Sitrany, ankehitriny, raha nianatra aho tamin'ity tolakandro ity, mba haneho aminareo fa, "Toerana anankiray ihany no hihaonan'Andriamanitra amin'ny mpivavaka." Ah-hah, tokana... Ary—ary afaka hiteny aminareo aho hoe inona io toerana io, ary iza no Anaran'io toerana io, izay hihaonan'Andriamanitra amin'ny mpivavaka.

³⁶ Ary avy eo, rahampitso hariva, hangataka sitraka aminareo aho, izany dia, ho an'ny fivoriana iray ho an'ny fanasitranana. Ary izaho—izaho dia mila fivoriana ho an'ny fanasitranana iray amin'ny fanao fahiny. Ary raha sitraky ny Tompo, dia te-hiresaka eo amin'ny lohahevitra iray aho izay nanaitra ahy androany... Rehefa niara-niresaka izaho sy Rahalahy Moore, ireo rahalahiko sarobidy, nandinika tsara ny Soratra izahay. Ary maha-te-ho tia toy ny ahoana ny miaraka amin'ireo rahalahy ireo, tahaka ny tamin'ny andro fahiny. Dia hoy izy hoe, "Fantatralo, Rahalahy Branham, ny toriteny rehetra izay hany nataonao ho anay teto Shreveport, *Ny Zanak'ondry Sy Ny Voromailala* no anankiray tamin'ireo hafatra malazaindrindra izay hany nentinao ho anay teto Shreveport." Hoy izy, "Ataoko fa miaraka amin'ny Hafatra tena mavesatra aminao androany, dia tsy ho tafaverina amin'ny anankiray tahaka an'izany mihitsy ianao."

³⁷ "Rehefa adinoko Izany, dia adinoko ny Hafatro." Ny fitiavana no . . .

Ry Zanak'ondry malala teo am-pahafatesana, Ny
Rànao sarobidy
Dia tsy hahavery ny heriny mihitsy,
Mandra-pahatongan'ilay fiangonan'Andriamanitra
rehetra voavidy
Ho voavonjy, tsy hanota intsony.
Hatramin'izay tamin'ny alàlan'ny finoana, no
nahitako an'io ony io
Izay vatsian'ny Ratranao mikoriana,
Fitiavana manavotra noefa lahatsoratro,
Ary ho izany mandra-pahafatiko.

³⁸ Rahampitso hariva, raha izay no sitraky ny Tompo, dia te-hitory eo amin'ny lohahevitra iray aho eo amin'ny: *Eo Ambonin'Ny Elatry Ny Voromailala Fotsy Toy Ny Orampanala*. Rahampitso hariva, "Nidina teo ambonin'ny elatry ny Voromailala iray ny Tompo," izany dia, raha sitraky ny Tompo, raha tsy ratsy loatra ny feoko. Ankehitriny... noho izany, mivavaha ho anay.

³⁹ Ary mila fivoriam-bavaka iray amin'ny fanao fahiny aho avy eo tahaka ny nananantsika tamin'ny voalohany, tsy misy famantarana, manome karatra iray tsotra fotsiny ho an'ny olona rehetra izay te-hivavahana. Ankehitriny, tsy maintsy manana karatra iray ianareo, noho izany tongava aloha eto mba hahafahan'i Billy manome anareo karatra iray sy hihazona an'izany ho voalahatra tsara. Raha tsy manao an'izany ianareo, dia hitohy hiverimberina fotsiny ny olona, ary miverimberina, sy miverimberina, ary tsy misy farany ilay laharana. Afaka mahazo karatra iray ny olona rehetra. Tiako i Rahalahy Jack hitsangana eto akaikiko ao amin'ny laharam-bavaka, tahaka ny nataonao taloha, ary Rahalahy Brown hitondra ny olona eto amiko raha tokony ho i Billy Paul. Izaho—izaho—izaho dia mila—

izaho dia mila laharam-bavaka iray amin'ny fanao fahiny, ary hivavaka fotsiny isika amin'ny fomba izay nataontsika taloha taona maro lasa izay.

⁴⁰ Faly aho izao hariva izao manana rahalahy mpiara-miasa hafa iray miaraka amintsika, njery nanodidina fotsiny aho ary nahafantatra azy sy nahita azy avy eo, minitra vitsy lasa izay, Rahalahy Gordon Lindsay. Anankiray amin'ireo an'ny andro fahiny izy, efa niaraka taminay fotoana maro lasa izay. Manao asa lehibe iray izy, manonta, manonta ny bokiko izy ankehitriny: *Ireo—Ireo Taona Fiton'Ny Fianganana*. Manantena ny hanana an'izany ho vonona indray isika, *Ireo Tombokase Fito*. Raha sendra mamaky an'izany izy alohan'ny hanontany azy, dia hanana adi-hevitra ara-teolojia iray isika. Tsapako tonga fotsiny ilay izy. Saingy fantany fa tsy teolojiana aho. Noho izany... Eny, hiandry hatramin'ny rahampitso hariva isika. Raha ato ianao, Rahalahy Lindsay, dia tongava eto rahampitso hariva. Raha eto ianao, dia tongava eto ary miaraha aminay eto amin'ny lampihazo ho an'ny fivoriam-bavaka iray amin'ny fanao fahiny.

⁴¹ Firy no te-hahita ny iray amin'ireo an'ny andro fahiny ireo indray, rehefa mitondra ny olona miakatra isika? Ho tsara izany. Ankehitriny, ento ny mararinareo sy ny ory, rahampitso hariva, ho an'io tanjona io amin'izay fotoana izay.

⁴² Ankehitriny, raha manana ny Bokin'i Joba ianareo, ny andinin faha-42...na ny toko faha-42, ary ireo andinin enina voalohany an'ny toko faha-42-n'i Joba; tena hafahafa. Rahalahy Ted Dudley, raha mihaino ianao izao hariva izao, any Phoenix any, dia tsaroanao ve izaho sy ianao niresaka indray mandeha, teo amin'ny iray na roa herinandro lasa izay, ary nitodika tamin'ity isika? Niteny taminao aho hoe, "Ho lasa lahateny iray ho ahy izany indray andro any." Ary te-hampiisa azy aho izao hariva izao.

Avy eo dia namaly...

Avy eo Joba dia namaly ny TOMPO, ka nanao hoe,

Henoy tsara izao famakiana izao ankehitriny.

Fantattro fa hainao avokoa ny zavatra rehetra, ary tsy misy fisalasalana azo afenina anao.

Iza no mahatakona ny fisainana amin'ny tsi-fahalalana? koa nilaza izay tsy fantattro aho; zava-mahagaga loatra amiko, izay tsy fantattro.

Mihainoa, mifona aminao aho, fa hiteny aho: hanontany anao aho, ka ampahafantatra ahy ianao.

Efa nandre ny aminao tamin'ny fandrenesan'ny sofina aho: fa ankehitriny kosa dia ny masoko no mahita anao.

Koa miaiky amin'ny tenako aho, ary mibebaka eto amin'ny vovoka sy ny lavenona.

⁴³ Ankehitriny te-haka lahateny iray avy amin'io andinin faha-5 io aho.

Efa nandre ny aminao tamin'ny fandrenesan'ny sofina aho: fa ankehitriny kosa dia ny masoko no mahita anao.

Enga anie ny Tompo hitahy Ny Teniny.

⁴⁴ Joba, ndao isika haka kely amin'ny fiainany. Mpaminany iray i Joba. Lehilahy iray izay velona talohan'ny nanoratana ny Baiboly izy. Noneverina fa i Joba no anankiray amin'ireo Boky tranaindy indrindra an'ny Baiboly, satria voasoratra talohan'ny nanoratana ny Genesisy Izany. Joba, ity mpiady lehibe sy mpaminany ity, dia le—lehilahy mahery iray tamin'ny androny. Tsy isalasalana fa voataiza tsara sy nanompo ny Tompo tamin'ny fiainany rehetra izy. Ary niaina tamin'ny fiainana mihaja tahaka an'izany izy teo amin'ny olona, nanana fanajana azy ny rehetra.

⁴⁵ Fa tonga teo amin'ny toerana iray izay antsoiny eto hoe, tonga *nalaïm-panahy* avy tamin'ny Tompo. Saingy tiako ny hampiasa an'ilay teny hoe, tonga “voazaha toetra” avy tamin'ny Tompo. Ary marina tokoa, “Ny zanaka rehetra izay manatona an’Andriamanitra dia tsy maintsy zahan-toetra aloha, tsapaina, zanaka-voaofana.” Ary amin’izay fotoana izay raha miha-mafy ny fizahan-toetra, ka mihevitra isika fa mafy loatra izany ary tsy hihaino (mitandrina tsara), milaza Izy amin’izay fotoana izay fa isika dia “lasa zazasary iray, fa tsy zanak’Andriamanitra.” Satria, tsy misy na inona na inona afaka hanetsika ny tena zanak’Andriamanitra iray, nateraka indray hanalavitra ny Raiamandreniny, hitanareeo, Ampahany izy. Tsy afaka mandà an’izany intsony ianareeo, afaka mandà ny tenanareeo ianareeo. Hitanareeo, nanana an'ilay fahatsapana ianareeo, efa nofanina sy nozahan-toetra.

⁴⁶ Ary ankehitriny, ity lehilahy ity amin'ny mahampaminany iray, dia efa nanana fidirana tao amin'ny fahasaoavan’Andriamanitra izy, saingy tsy nanana Baiboly iray ho vakiana i Joba. Izy...tsy voasoratra ny Baiboly tamin’izany fotoana izany, fa nanana fidirana tamin’Andriamanitra izy tamin’ny alàlan’ny fanambarana sy tamin’ny alàlan’ny fahitana. Izany dia talohan'ny nanoratana ny Baiboly.

⁴⁷ Ankehitriny, mahita isika, ary haka ny sasany amin'ny fiainany, rehefa nitahy azy Andriamanitra ka nanao azy ho lehilahy malaza iray. Nahoana, na ny olona rehetra aza dia nanaja azy, na ny amin'ny fahendreny aza, lasa tena lehibe. Ny tsindrimandryny avy tamin’Andriamanitra no nanamarina azy ho mpanompon’Andriamanitra, tena mazava, hany ka tonga avy hatraiza hatraiza ny olona mba hihaino azy. Ary nanomboka niampanga an’io lehilahy io i Satana tamin’izay fotoana izay. Ary izany no fomba ataony amin'ny mpanompon’Andriamanitra voatsindrimandry rehetra, eo foana i Satana mba hiampanga azy amin'ny zavatra rehetra izay ataony ka tsy tsara.

⁴⁸ Ary, ankehitriny, hitantsika ny fiainany sy ireo fizahan-toetrany, ary ny finoany lehibe. Na Jesosy aza, rehefa tonga teto an-tany Izy, dia nanondro ny faharetan’i Joba Izy. Hoy Izy

hoe, “Tsy novakianareo ve ny faharetan’i Joba?” Miandry am-paharetana ny Teny nampanantenaina ho tanteraka ny finoana.

⁴⁹ Ankehitriny, mahamarika isika eto fa i Joba, rehefa avy nandalao tao amin’ireo fizahan-toetraryn izy, ireo fahoriany rehetra... Nanana fianakaviana iray maha-te-ho tia izy, nesorina taminy izy ireo. Nanana fahasalamana tsara izy, nesorina taminy izany. Nesorina ny zavatra rehetra izay nananany teto amin’ity fainana ity. Ary nipetraka teo amin’ny antontan-davenona iray izy, niaraka tamin’ny silaka tavimbilany iray, nihaorany an’ireo vainy. Ary na ny vadiny manokana aza, niteny nanohitra azy, hoy izy hoe, “Nahoana no tsy hozonina Andriamanitra, dia aoka ho faty?”

⁵⁰ Hoy izy hoe, “Miteny tahaka ny vehivavy adala iray ianao.” Hoy izy hoe, “Ny Tompo no nanome, ary ny Tompo no manaisotra, isaorana anie ny Anaran’ny Tompo!”

⁵¹ Ankehitriny, tonga teo anatrehan’Andriamanitra i Satana, satria afaka tonga teo anatrehan’Andriamanitra izy, ary niampanga an’ireo Kristiana (na, ireo mpino) isan’andro. Noho izany niampanga an’i Joba tamin’ny zavatra maro izy, ka nilaza fa “Joba, ny antony nahafahany nanompo an’Andriamanitra, dia satria nandeha tsara ho azy ny zavatra rehetra.” Saingy hoy izy, “Raha Havelanao hahazo azy fotsiny aho, eo an-tànakao, dia hanao azy hanozona Anao eo amin’ny Tavanao.”

⁵² Tiako ianareo hahamarika an’ilay fahatokiana izay ananan’Andriamanitra ao amin’ny mpino iray. Hitanareo? Izy no... Amin’ny teny hafa, dia Andriamanitra no nilaza tamin’i Joba... na nilaza tamin’i Satana, tahaka an’izao, “Tsy vitanao izany! Lehilahy marina iray voamarina izy. Lehilahy tsara iray izy. Izy... tsy misy tahaka azy eny amin’ny tany manontolo.” O lehilahy iray toy ny inona; fa Andriamanitra Izy tenany mihitsy no nilaza tamin’ny Fahavalony hoe, “Tena tanteraka ny Mpanompoko, tsy misy olona iray tahaka azy eny ambonin’ny tany.” Oh! Raha mba afaka ny ho karazan’izany olona izany fotsiny mantsy isika! Ka afaka hametraka an’izany fahatokiana izany eo amintsika Andriamanitra! Ka mahafantatra fa tsy hiolakolaka amin’Ny Teniny na Ny Tenany isika, amin’ny fomba rehetra! Mijanòna marina tokoa, dia afaka hametraka ny Fahatokiany amintsika Izy.

⁵³ Ankehitriny, Joba dia lehilahy iray izay nanatanteraka ny didin’Andriamanitra ara-bakiteny, marina tokoa. Ary fantatr’i Satana izany, saingy hoy izy hoe, “Raha Havelanao hahazo azy fotsiny aho, dia hanao azy hanozona Anao eo amin’ny Tavanao.”

⁵⁴ Noho izany niteny taminy Andriamanitra, hoy Izy hoe, “Ankehitriny, eo an-tànanao izy, saingy aza esorinao ny ainy.” Ary nanitatra lavitra arak’izay vitany teo amin’izany mihitsy aza i Satana. Nesoriny ny sakaiiza rehetra, sy ny zavatra rehetra izay nananany, saiky ny ainy manontolo, saingy tsy afaka naka ny ainy izy. Fa mbola nifikitra tsara foana i Joba, tsy nisy fiverenana mihitsy.

⁵⁵ Hitanareo, rehefa ny lehilahy iray na ny olona iray no tena miditra indray mandeha ao amin'ny fifandraisana amin'Andriamanitra, miaraka amin'io finoana tena izy, voambara io hoe "Misy Andriamanitra!" Dia tsy misy na inona na inona, tsy misy fotoana, na aiza na aiza, afaka hahasaraka an'io olona io amin'Andriamaniny. Mino aho fa i Paoly no nilaza hoe, "Tsy misy ady, tsy misy hanoanana, tsy misy loza, na ny zava-manan'aina aza, na fahafatesana, na inona na inona izay afaka hahasaraka antsika amin'ny fitiavan'Andriamanitra izay ao amin'i Kristy Jesosy." Mifikitra mafy eo Aminy ianareo satria voatendry ho amin'io Fiainana io.

⁵⁶ Fa nihevitra i Satana hoe afaka hampiolakolaka kely azy izy, sy hamelaka azy, ary hanao azy hahavita an'io. Saingy, hitanareo, Joba niaraka tamin'ny fanambarany tanteraka ny amin'Andriamanitra, sy ny hoe Iza Izzy, ary toy ny ahoana no nitiavan'Andriamanitra azy, dia niandry izy! Tsy nampaninona na inona aza ireo fisehon-javatra, niandry ny finoany ho voamarina izy, satria efa nanana fifikirana teo amin'Andriamanitra, fanambarana iray. Ilay noteneniko omaly hariva.

⁵⁷ Ankehitriny, rehefa ireo olona marary izay ao amin'ny tranobe, ireo olona kilemaina, na ianareo izay mila zavatraavy amin'Andriamanitra, rehefa afaka mahazo an'io karazana fanambarana io ianareo hoe ianareo dia "nohamarinina," rehefa tena nohamarinina tokoa ianareo eo am-pangatahana an'ilay zavatra izay angatahinareo, ka mino fa "Izy no Mpamaly soa an'ireo izay mitady Azy fatratra," dia tsy misy na inona na inona hany afaka hahasaraka anareo amin'io finoana izay mifikitra eo aminareo io. Hitanareo? Saingy, voalohany, tsy maintsy voambara taminareo ilay izy.

⁵⁸ Nisy olona iray tonga vao tsy ela akory izay, vondron'olona iray, miaino ny sasany amin'izy ireo izao hariva izao, ka niteny tamiko, nanao hoe... Nanohy niteny tamin'izy ireo aho hoe, "Mandehana mankany Kentucky, misy solika any." Fantatro fa nisy izany, hitako tao amin'ny fahitana iray ilay izy.

⁵⁹ Eny, tsy nandeha Rahalahy Demos sy izy ireo nandritry ny fotoana ela. Afaka kelikely, farany, dia nilaza izy ireo... Taorian'ny nidiran'i Texas. Ary hoy izy ireo hoe, "Handeha any izahay ankehitriny."

⁶⁰ Hoy aho hoe, "Efa ela ianareo no tokony ho nandeha tany." Saingy tsy nataon'izy ireo izany.

⁶¹ Hoy Demos hoe, "Nanao fahadisoana lehibe tamin'izany aho, tamin'ny tsy fanaovana azy, Rahalahy Branham."

⁶² Hoy aho hoe, "Raha nandeha tany ianareo, dia ianareo no ho nahazo azy rehetra."

⁶³ Eny, tsy te-hihaino an'izany izy ireo. Noho izany ny voalohany... noho izany talohan'ny nialanay tamin'io hariva io... Ilay-ilay toerana izay nihinananan sakafo. Naneho tamiko

fitresahana lehibe iray tao ambanin'ny tany ny Fanahy Masina, ary feno solika tao anatin'izany, ary ireo fitosahana ao Kentucky ireo dia lafi-tsolika kely fotsiny izay nitrohan'izy ireo, fa avy ao amin'ilay tena loharano ity anankiray ity. Dia hoy aho hoe, "Rahalahy Demos, ao ilay izy."

⁶⁴ Noho izany lasa izy ireo nikaroka an'izany. Hoy izy ireo, "Mandehana any ka teneno aminay hoe aiza no—aiza no misy an'ilay dobon-tsolika."

⁶⁵ Hoy aho hoe, "Oh, tsia! Tsia! Tsia!"

⁶⁶ Hitanareo, tsy mampiasa ny fanomezam-pahasoavan'Andriamanitra ho an'ny ara-barotra isika. Tsia! Tsia! Azony notenenina tamiko hoe taiza ilay izy, saingy tsy nisy nilako an'izany mihitsy. Tsy banana finoana betsaka akory aza aho hangataka Aminy. Hitanareo? Raha nila an'izany aho, dia mino fa raha nangataka Taminy aho, dia ho niteny tamiko Izzy. Saingy voalohany, hitanareo, tsy maintsy marina ireo antonareo sy tanjonareo. Tsy maintsy manana antony ho an'izany ianareo. Tsy manome anareo an'ireo zavatra ireo Andriamanitra satria hoe mangataka fotsiny ianareo. Fa tsy afaka mangataka amin'ny finoana ianareo raha tsy misy tena antony iray ho an'izany, mba ho ao amin'ny sitrapon'Andriamanitra. Hitanareo, raha te-ho salama ianareo, dia ho an'ny inona no ilanareo ny ho salama? Hitanareo, raha te-ho sitrana ianareo, inona ny antony ilanareo ny ho sitrana? Inona no teneninareo amin'Andriamanitra? Inona no tianareo hatao amin'ny fiainanareo rehefa sitrana ianareo? Hitanareo, tsy maintsy misy... tsy maintsy manana antony iray sy tanjona iray ianareo, ary tsy maintsy marina araka ny sitrapon'Andriamanitra izy ireo. Ary amin'izay fotoana izay no voambara taminareo ilay finoana, ka Andriamanitra amin'ny alàlan'ny Fahasoavany masi-mandidy no mametraka an'io finoana io ao, amin'izay fotoana izay dia tapitra ilay izy. Hitanareo? Hitanareo ankehitriny?

⁶⁷ Ankehitriny, mba hanao an'ilay Teny ho marina, rehefa nandeha tany ireo rahalahy, izy ireo dia... lehilahy anankiray no nandeha teo ary nividyl karazan-javatra iray, dia nivarotra an'ireo fifanekena, ka namitaka an'ilay iray hafa tamin'izany fomba izany. Hoy aho hoe, "Hitanareo, tsy hety izany." Ankehitriny mba hanaovana an'ilay *faminaniana* ho azo antoka fotsiny, tao anatin'ny zato yards avy teo amin'izay nangadian'ireo lehilahy ireo ny dobony, dia nisy lehilahy iray nahita an'ilay fifantsitsirana goavana. Ary ao ilay izy, solika arivo sy iray alina barila tao anatin'ny tapak'andro, na zavatra iray na hafa tahaka an'izany; mbola mamoaka an'izany foana, ao amin'io tena loharano io mihitsy. Saingy mba hanaovana an'ilay faminaniana fotsiny, ny Teny izay efa voalaza hoe tao ilay izy, dia tao izany. Saiky maina avokoa ny sisa tamin'izy ireo, na aiza na aiza manerana an'i Kentucky. Dobo kely, mipaompy azy ireo vetivety izy ireo, dia lasa. Avy teo amin'ity irery ihany ilay fitosahana. Hitanareo?

⁶⁸ Fa, satria ny fitiavan-tena no tonga teo anivon'izany, dia ratsy ireo tanjona, nanao sonia karazan-javatra iray hoe "ho tahaka an'izao ilay izy," nefä nampantanena izy ireo fa hanao an'izany ho an'ny Fanjakan'Andriamanitra, saingy toy ny hoe ho an'ny tenan'izy ireo ilay izy. Hitanareo?

⁶⁹ Fa tsy hety izany, tsy misy zavatra tia tena hety. Ny antonareo sy ny tanjonareo dia tsy maintsy marina tokoa, tanteraka, amin'izay fotoana izay ianareo vao manana finoana, hangataka. "Raha tsy manameloka antsika ny fontsika, amin'izay fotoana izay dia manana fahatokiana isika." Hitanareo? Hitanareo, tsy maintsy manana fahatokiana isika. "Mila an'ity ho an'ny haja sy voninahitr'Andriamanitra aho." Amin'izay fotoana izay ny finoana dia manana ny—ny fantsona iray hidirana; raha tsy izany ilay izy, amin'izay fotoana izay dia manana finoana ara-tsaina, ara-pahaizana ianareo, fa tsy finoana tena izy avy amin'Andriamanitra. Tsy hitondra anareo na aiza na aiza io finoana ara-pahaizana io. Mety hitondra fihetseham-po ho anareo, fa tsy hitondra ho anareo an'ilay fanasitranana izay tadiavinareo.

⁷⁰ Noho izany, Joba, nandinika ny tenany tamin'ilay finoana tena izy izay nomen'Andriamanitra azy fa hoe izy dia "marina," ka nanao ny zavatra rehetra izay notakian'Andriamanitra mba hataony. Ankehitriny rehefa hivavahana isika, ho an'ny aretintsika, dia manontany aho raha nanao ny zavatra rehetra izay takian'Andriamanitra hataontsika isika. Nanaraka ny tendron-tsoratra rehetra an'ny Soratra ve isika? Nomentsika Azy ve ny fontsika sy ny fainantsika ho an'ny asa? Inona no antony ilanareo ny ho sitrana? Izany no antony tsy mety hanananareo finoana betsaka, hitanareo, satria tsy nanao an'io zavatra io ho an'Andriamanitra am-pahatsorana avy ao amponareo angamba ianareo. Tahaka ny nataon'i Hezekia, izay nanome rariny an'Andriamanitra, izy dia te-hametraka ny—ny fanjakany tamin'ny laoniny. Fa nandefa ny Mpaminaniny indray Andriamanitra ka niteny taminy, ary sitrana izy. Hitanareo? Saingy, tsy maintsy manana an'ireo zavatra ireo vita tsara ianareo, aloha.

⁷¹ Koa noho izany vantany vao tonga eo amin'ireo toerana ireo ianareo ka mahafantatra fa efa voambara taminareo tamin'ny alalan'ny Tenin'Andriamanitra izany, tamin'ny alalan'ny fanambarana, tamin'ny alalan'ny Teny izay takian'Andriamanitra hataonareo, amin'izay fotoana izay dia manana finoana ianareo, finoana tena izy.

⁷² Ankehitriny, tahaka an'i Abrahama mihitsy rehefa sivy amby sivifolo taona izy. Mino aho, Genesisy 17. Niseho tamin'io lehilahy antitra io Andriamanitra, ankehitriny, sivy amby sivifolo taona, rehefa saiky zato taona izy, ka niandry an'io teny fikasana io nandritr'ireo taona rehetra ireo. Niseho taminy Izy tamin'ny anarana hoe *El Shaddai*, ilay "anankiray Manana nono." Ary fampaherezana iray toy ny inona izany, na dia tsy

mbola tanteraka aza ilay teny fikasana tamin'izany fotoana izany. Saingy, "Abrahama, Izaho no Andriamanitra Tsitoha, *El Shaddai*, 'ilay Mpanome-hery, ilay Andriamanitra Manana nono.'"

⁷³ Tahaka ny noteneniko taminareo teo aloha, tahaka an'ilay zaza kely izay sorisorena, sy marary, ary mitomany, ka miankina eo amin'ny nonon-dreniny izy. Ary mitsentsitra ny heriny avy aminy izy, satria afa-po izy eo am-pinonoana, satria ny nonondreny no lalan-tokana ananany sy fantany. Tsy mahafantatra dozim-panafody izy. Mety manome azy dozim-panafody iray ianareo, hidridrodridro sy hitomany izy. Omeo tsindrona iray eo amin'ny sandry izy, fa hanohy. Fa ny nonon-dreny no lalan-tokana hahafa-po azy.

⁷⁴ Ary hoy Izy hoe, "Ry Abrahama, antitra ianao, lasa ny herinao, miha-maina ireo sandrinao, lasa ny maha-lehilahy anao, saingy Izaho no Reninao. Mifikira fotsiny amin'ny Fampanantenako, ary aoka ho afa-po raha eo am-piandrasana ianao. Mialà sasatra!"

⁷⁵ Ankehitriny, tahaka an'izany ny mpino rehetra, tsy mampaninona na ratsy toy ny ahoana aza ilay homamiadana izay mahazo anareo, efa oviana no nipetrahanareo teo amin'ny sezamisy kodiarana, ireo zavatra rehetra ireo, raha afaka mandramby fotsiny an'io fanambarana avy amin'Andriamanitra io ianareo! Aoka ho afa-po avy eo, mahafantatra fa hitranga ilay izy, satria miandry am-paharetana an'ilay teny fikasana ny finoana. Hitanareeo?

⁷⁶ Fantatr'i Joba fa marina izy. Rehefa mahita isika, eto amin'ny Soratra, fa nisy...tonga teo aminy ireo lehilahy ireo; ireo mambram-piangonany. Nihodina nanohitra azy ny zavatra rehetra izay toy ny hoe malala taminy fahiny, ary niezaka niampanga azy ho nanao fahotana niafina, satria nitranga taminy ireo zavatra rehetra ireo. Mandre olona ianareo, na amin'izao andro izao aza, manao hoe, "Efa niteny taminareo aho. Jereo izy! Hitanareeo ve hoe inona...?" Tsy ny fahamarinana avokoa izany rehetra izany. Andriamanitra mizaha toetra ny Olony izany matetika. Amin'ity toe-javatra ity, dia Andriamanitra nizaha toetra an'i Joba ilay izy, ilay lehilahy tsara indrindra izay nisy teto ambonin'ny tany tamin'io fotoana io. Ankehitriny, Izy no nihazona azy tamin'izany, satria Fantany fa mpaminany iray izay nanana fahitana avy tamin'Andriamanitra i Joba, ka nanao marina tokoa an'izay notenenin'Andriamanitra mba hataony ary izy... Tena voatery tanteraka nihazona ny Fampanantenany taminy Andriamanitra.

⁷⁷ Oh! Tsy maintsy ho izany ny Kristiana rehetra. Rehefa tonga ilay tolona farany an'ny fiainantsika, ka tonga ao antendantika ireo fitrenan'ny fahafatesana, dia tsy maintsy mbola mihazona mafy foana isika ka mahatsiaro fa Andriamanitra no nilaza hoe, "Hanangana anao indray Aho amin'ny andro farany." Hitanareeo? Tsy maintsy mihazona an'izany—an'izany,

ny filazantsika, ny fitoerantsika ao amin'i Kristy, ny toerantsika, izay maha-izy antsika, mahafantatra fa nitandrina ny Tenin'ny Didiny rehetra isika. "Sambatra ireo izay mitandrina ny Didiny mba hahafahan'izy ireo manana zò hiditra." Hitanareo? Ary rehefa mahafantatra isika, ka tsy mampaninona izay nolazain'ny olona iray, dia nitandrina ny didy rehetra izay hitantsika ao amin'ny Baiboly isika, izay nataon'Andriamanitra tamintsika...notenenina mba hataontsika, amin'ny fanajana fatratra, sy fitiavana, ary fanajana an'ilay Mpamorona Izay nanoratra ny Baiboly.

⁷⁸ Hoy isika hoe, "Olona no nanoratra Azy."

⁷⁹ "Olona fahiny, nohetsehan'ny Fanahy Masina, no nanoratra Azy." Hitanareo? Hitanareo, nanoratra Azy tamin'ny alàlan'ny olona Andriamanitra. Tahaka ny mpaminany iray izay miteny Ny Teniny, tsy tenin'ilay mpaminany izany, Tenin'Andriamanitra izany, hitanareo, amin'ny alàlan'ilay mpaminany. Izany no antony tsy maintsy hisehoan'Izany, raha tena ny Fahamarinana marina tokoa ilay izy.

⁸⁰ Ankehitriny, hitantsika ity lehilahy malaza ity. Ary, tsarovy, tsy nanana Baiboly ho vakiana i Joba tamin'ny androny. Tsia! Nandeha tamin'ny alàlan'ny tsindrimandry fotsiny ihany izy. Mpaminany iray izay nahatongavan'ny Tenin'ny Tompo izy. Izy dia—izy dia tsy maintsy voatsindrimandry fotsiny ihany, satria fantany ny toerany hoe mpaminan'Andriamanitra izy. Ankehitriny, ny zavatra tokana izay tsy maintsy nitranga, dia noho ilay tsindrimandry tsy maintsy nahazo azy. Ary fantany avy eo fa hitranga izay nolazainy, satria tamin'ny alàlan'ny tsindrimandry izany.

⁸¹ Izany ilay fiangonana, raha ao anatin'ny lamina izy (mipetraka ao amin'ny lamina), izany ihany...manana an'ireo mekanika vonona izy, ireo dynamika fotsiny ihany no ilainy amin'izay fotoana izay. Izao hariva izao, raha hanao an'ireo mekanika ho vonona isika, hanao ny fontsika hahitsy, ireo zavatra izay azontsika hatao, manaraka ny Teny rehetra, manaraka Azy ao amin'ny batisa, manaraka Azy ao amin'ny fitsipika rehetra izay Noteneniny hataontsika, ataovy vonona ny mekanika rehetra, dia mitsangàna eo; vonona ho an'ireo dynamika hirehitra isika amin'izay fotoana izay, ary Andriamanitra irery ihany no afaka manao an'izany; ary izany no tsy maintsy hampidina ao am-ponareo an'io finoana io izay manao hoe, "Sitrana aho ankehitriny." Aza manisy fahasamihafana amin'ny fisehon-javatra misy amin'izay fotoana izay, sitrana ianareo na ahoana na ahoana; satria izany no finoana, amin'ny alàlan'ny finoana no nahasitrana anareo.

⁸² Nanana fantsom-pifandraisana iray tamin'Andriamanitra izy, izay azony tamin'ny alàlan'ny tsindrimandry. Nanana lâlana iray nanesorana ny tenany izy, ka namela an'Andriamanitra niditra. Ary fantany fa nohamarinina izy. Fanomezam-pahasoavana iray izany, fanomezam-pahasoavana iray ho

an’ny olona; tsy ho an’i Joba, fa ho an’ny olona. Izany ireo fanomezam-pahasoavan’Andriamanitra rehetra, hanompoana ny olon’Andriamanitra. Tsy ny olona rehetra no voalahatra ho mpaminany. Ianareo rehetra tsy . . . tsy voalahatra hivavaka ho an’ny marary. Tsy izy rehetra ireo no voalahatra ho pasitera, sy ny sisa. Fa fantsona iray izay nosokafan’Andriamanitra ho azy ireo izany. Ary tahaka ny azontsika aninkeo maraina tao amin’ilay lesona, hoe izy . . . Ny olona anankiray dia tsy manana raharaha hivily lalana ao amin’ny fantson’ilay olona manaraka, tsy mampanganina na voatsindrimandry toy ny ahoana aza, na betsaka toy ny ahoana aza ilay izy, tsara toy ny ahoana . . . Firy no tao amin’ny favoriana aninkeo maraina? Aoka ho hitanay ny tananareo. Hitanareo, tsy afaka ianareo.

⁸³ Teo i Davida, tena voatsindrimandry mihitsy arak’izay nahazy azy, ny olona rehetra niantsoantso sy nanome voninahitra an’Andriamanitra, nohon’ny antony iray izay toy ny tena Soratra marina tokoa, saingy izy ilay olona tsy izy. Tokony ho tonga teo amin’i Natana io tsindrimandry io, fa tsy Davida. Hitanareo, tsy nanontany an’i Natana mihitsy akory aza izy. Hitanareo ve izay nitranga? Hitanareo, isika dia manana . . . Andriamanitra no nilaza fa Izy “dia tsy manao na inona na inona raha tsy manambara an’Izany amin’ny mpaminany Mpanompony Izy.”

⁸⁴ Ary Joba io mpaminany io tamin’io andro io. Ankehitriny, ny zavatra tokana nataon’Andriamanitra tamin’i Joba: Izay nanome azy foana ny fahendrena sy Ny Teniny ary ny tsindrimandry, tsy nety nahazo tsindrimandry intsony izy. Fa fantany ireo mekanika rehetra (nanolotra fanatitra dorana izy, nanao ny zavatra rehetra izay fantany fa marina), saingy tsy nety nahazo teny iray avy tamin’Andriamanitra izy. Nefa tsy afaka nampihetsika azy ny devoly! Eo ianareo izao.

⁸⁵ Ankehitriny, eo ianareo izao rehefa ivavahana. Tsy mila miverina indray ao amin’ny laharana ianareo, na hamela olon’kafa iray hivavaka ho anareo. Rehefa fantatrareo fa nanao marina tokoa an’izay notenenin’Andriamanitra hataonareo ianareo, hitanareo, miandrasa an’io fantson’ny tsindrimandry io hisokatra ho anareo amin’izay fotoana izay, dia, “Sitrana aho ankehitriny!” Rehefa milatsaka ao izany, amin’izay fotoana izay dia tapitra ny rehetra. Oh, tsy mila laharan-bavaka intsony ianareo, na inona na inona hafa, tapitra ilay izy! Voambara taminareo izany! Hitanareo?

⁸⁶ Tahaka an’ilay mpaminany antitra tamin’ny fihavian’ny Tompo Jesosy mihitsy, hitantsika fa voambara taminy izany, ilay antitra hendry, hoe “tsy hahita fahafatesana izy mandrapahitany ny Kristin’ny Tompo.” Ary nino an’Izany izy, ka niandry an’Izany. Dia nihevitra ny olona fa adala izy, nahavery ny sainy ilay lehilahy antitra. Saingy mbola nino an’Izany foana izy! Tsy nisy na inona na inona afaka nanosika azy hiala tamin’Izany, fantany fa Andriamanitra no nanambara an’Izany

taminy, satria hoy ny Baiboly hoe, "Izany dia voambara taminy tamin'ny alàlan'ny Fanahy Masina."

⁸⁷ Tamin'io minitra io no niditra tao amin'ny Tempoly i Simeona, nandroso ary nidera an'Andriamanitra, ka nanao hoe, "Aoka ny Mpanomponao handeha am-piadanana." Rehefa nandray an'ilay zaza izy, "Ny masoko efa nahita ny Famonjenao." Hitanareo, fantany fa hahita Azy izy. Tsy nampaninona na firy na firy ireo zaza izay notsidihany isan'andro, fantany fa Andriamanitra no nanambara taminy fa hahita ny Kristy izy alohan'ny ahafatesany. Nino an'izany i Simeona.

⁸⁸ Ankehitriny rehefa voambara *taminareo* izany, ka ny tenanareo ihany no nandray ny teny fikasan'Andriamanitra; ilay tsindrimandry, ianareo izay Kristiana, mahazo anareo izany, dia tsy mila laharam-bavaka iray akory aza ianareo. Ny zavatra...ny zavatra tokana ilainareo dia fo misokatra iray rehefa vonona ireo mekanika rehetra, ka mamela an'ilay tsindrimandry hilatsaka ao, ary tsy misy na inona na inona afaka manova ny sainareo amin'izay fotoana izay; azonareo ilay izy. Ankoatr'izay, dia tsy hahavita soa izany.

⁸⁹ Ankehitriny mariho, nila fantson'ny tsindrimandry iray i Joba, nanana an'izany nisokatra izy. Nanana fantsona iray hifandraisana tamin'Andriamanitra izy, tamin'ny alàlan'ny Tsindrimandriny. Nanana lèlana hanesorana ny tenany izy ka namela ny Tenin'Andriamanitra hiditra. Mariho hoe toy ny ahoana—toy ny ahoana no nahatongavan'izy ireo hanontany azy avy tany Atsinanana sy avy tany Andrefana, nitady azy ny olona satria fantany fa izay nolazain'i Joba dia ny Fahamarinana. Fantatr'izy ireo fa niteny ny Fahamarinana io lehilahy io. Satria, izay naminianany, dia izany no nitranga! Ary noho izany tonga avy tany Atsinanana sy Andrefana ny olona.

⁹⁰ Nolazainy fa rehefa nandeha nankany an-tsena izy, dia niankohoka teo anatrehany ireo andriana tanora avy tany Atsinanana, hihaino teny fampiononana anankiray avy taminy fotsiny, ny fahendreny lehibe sy mahery, satria fantatr'izy ireo fa mahitsy fo ilay lehilahy. Tsy nila nampirehareha ny tenany izy, tsy nanana famaky hasaina izy, tsy nisy tady ho sintonina, mpaminany iray mahitsy fo teo anatrehan'Andriamanitra fotsiny izy. Fa nahatoky azy izy ireo, ary tonga ny olona rehetra avy tany Atsinanana sy Andrefana mba hiresaka taminy fotoana fohy fotsiny. Izy no noresahana, ato amin'ny Baiboly eto. Fa, hitanareo, tsy ampy tsindrimandry izy mba hiteny aminy hoe inona daholo ny mikasika an'io. Navelan'Andriamanitra hitranga izany, tsy niteny taminy.

⁹¹ Avy eo, indray andro, hitantsika fa tao amin'izany, izany no fotoana izay... Ny olona rehetra, raha mbola afaka manampy azy ireny foana ianareo, "Tena tsara." Fa rehefa tsy te-hanaiky anareo izy ireo, dia amin'izay no miditra ny olana. Fa izy irery ihany no mahafantatra hoe marina izy; ny fitempon'ny finoany,

tamin’ny fandrenesana ny Tenin’Andriamanitra niteny taminy, dia fantany fa Izany no Fahamarinana. Eny, tompoko! Fantany ny Feon’Andriamanitra. Tsy nisy olona afaka namitaka azy teo amin’Izany, satria fantany Izany. Izany... Fa na oviana na oviana ianareo... nisy zavatra voambara taminareo, angamba mifanohitra amin’izay heverin’ny olona... Ankehitriny, miteny ao amin’ilay laharan’ny mpaminany aho. Rehefa manambara zavatra Andriamanitra, ka, raha toa hoe misy tsiambaratelo iray mivoaka avy amin’Andriamanitra mba hampahafantarina ny olona, dia tsy ho tonga amin’ny alàlan’ny seminera iray mihitsy izany, tsy ho tonga amin’ny alàlan’ny vondron’olona iray mihitsy izany, tsy izany mihitsy. Ho izany foana ilay izy, izany, ary ho izany, amin’ny alàlan’ny isam-batan’olona iray, mpaminany iray! Amosa 3:7, hitanareeo, “Tsy manao na inona na inona ny ‘Tompo raha tsy manambara an’Izany amin’ny Mpaminany aloha Izy.”

⁹² Ary, ankehitriny, nanana zavatra tsy nety taminy i Joba, saingy tsy nety nahazo an’ilay tsindrimandry teo aminy izy, ary nampanahy azy izany, ary izany... rehefa tratran’io karazana tsy fidiny io ianareo, amin’izay ilay fahavaloo no miditra ao amin’ny sakaiza rehetra, saiky, izay anananareo. Dia nanomboka niampanga azy izy ireo. Oh, tsy maintsy ho zavatra ratsy iray ho azy ny nahafantatra an’ireo sakaizany izay niampanga azy, lasa i Satana amin’izay fotoana izay ka mampikambana ny tenany amin’ilay fahavaloo. Amin’izay no miditra i Satana hoe, “Avelao aho dahazo azy, fa hataoko hanozona Anao izy eo amin’Ny... hataoko mandà ny Hafany izy. Hataoko hanozona Anao izy. Hataoko miverina izy ka hiteny hoe ‘Diso daholo Izany.’” Nozahany toetra tamin’ny zavatra rehetra izay vitany izy tamin’izay fotoana izay, tamin’ireo lehilahy malaza rehetra sy ireo sakaiza izay nananany taloha. Saingy nijoro tamin’ny tongotra mahitsy i Joba, satria fantany fa efa nandre ny Feon’Andriamanitra izy!

⁹³ O Andriamanitra, manampia, rahampitso hariva, mba hahafahako hitondra an’ilay *Elatry Ny Voromailala*. Nandre ny Feon’Andriamanitra aho izay nilaza zavatra iray, ary hitranga tahaka an’izany ilay izy! Tahaka ny nitrangan’ireo zavatra hafa ireo mihitsy, dia hitranga izany!

⁹⁴ Ankehitriny, fantatr’i Joba fa hitranga izany. Ary fantany fa Andriamanitra no efa niteny taminy an’izany, hoe izy dia “marina.” Saingy nanao azy ho mpanota iray izy ireo, noho izany niandry an’ilay tsindrimandry izy tamin’izay fotoana izay. Satana dia niditra tao amin’ny—ny olona rehetra ary tonga izy teo amin’ilay... ireo mpampionony, ilay mody antsoina, ka niampanga azy, saingy tsy nampihetsika azy izany na kely aza. Fa rehefa tonga voamarina teo aminy ny Tenin’Andriamanitra... Efa nandre an’Andriamanitra tamin’ny fandrenesan’ny sofina izy, fa indray andro dia nipetraka teo amin’ny toerany ambany indrindra izy... Ary raha mbola

nipetraka teo izy, ka ny olona rehetra niampanga azy, na ny vadiny aza niteny taminy fa izy dia "diso," nihaotra an'ireo vainy izy. Ary tonga i Eliho ka nananatra azy nohon'ny fitiavantenany, ny amin'ny fomba izay niampangany an'Andriamanitra sy ny sisa.

⁹⁵ Ary avy eo tamin'io fotoana io no nahazo azy ny tsindrimandry, tamin'izay no nanomboka nanelatratra ny tselatratra, nanomboka nierona ireo kotrokorana, tamin'izay no nahazo an'ilay mpaminany ny tsindrimandry, ka nitsangana izy, ary hoy izy hoe, "Fantatro fa velona ny Mpanavotro! Ary hitsangana eto ambonin'ny tany Izy amin'ny andro farany. Na ho levon'ny kankan'ny hoditra aza ity vatana ity, dia mbola hahita an'Andriamanitra ao amin'ny nofoko aho, Izay izaho ihany no hahita."

⁹⁶ Hitany... Efa niresaka mikasika ny hazo izy, ny fiainan'ny zava-maniry, toy ny ahoana no ahafatesany sy ahavelomany indray; ny rano no mamerina azy indray, ny fofon-drano, ny hanitry ny rano, ireo vokatry ny rano miraraka eo ambonin'ny hazo iray na zavatra anankiray, ny voa iray izay nandeha tao anatin'ny tany. Hoy izy hoe, "Fa mandry ny olona ary manolotra ny fanahiny, tonga manome haja azy ireo zanany nefo tsy hitany izany. O enga anie Ianao hanafina ahy ao am-pasana" (Joba 14) "mandra-pandalon'ny Fahatezeranao." Hoy izy hoe, "Fa raha maty ny olona, ho velona indray ve izy? Amin'ny androm-piaianako voatondro rehetra, dia hiandry aho mandra-pahatongan'ny fiovako. Hiantso ahy Ianao, ary izaho hamaly. Nametraka fetra ho ahy izay tsy azoko ihoarana Ianao," sy ny sisa. Fantany ny zavatra rehetra. Nandinika izy fa velona ny hazo, saingy inona no mitranga amin'ny olona rehefa maty izy? Tsy nitsangana indray izy. Noho izany, dia nasehon'Andriamanitra azy io Mpanavotra io.

⁹⁷ Tiani ho hita raha nisy olona iray izay afaka nanelanelana ho azy. Efa nanelanelana ho an'ny olona maro izy, saingy misy olona iray ve afaka miteny ho azy ankehitriny? Mety hisy olona iray ve hametraka ny tanany eo amin'i Joba, na eo amin'ny olona mpanota iray sy Andriamanitra Masina iray, ka manao tetezana amin'ilay lalana? Afaka handeha any an-Tranony ve izy ka handondona eo amin'ny varavarana? Hanokatra ny varavarana ve Izy ka hiresaka aminy vetivety?

⁹⁸ Fa, tamin'izay fotoana izay, rehefa nilatsaka tao ampony ilay tsindrimandry, tamin'izay fotoana izay vao afaka nahita an'Andriamanitra izy. Nanelatratra ny tselatratra, nierona ny kotrokorana. Ary rehefa izy, dia nitsangana tamin'ny tongony izy, ka hoy izy hoe, "Fantatro fa velona ny Mpanavotro! Ny Mpanavotro, ary hitsangana eto an-tany Izy amin'ny andro farany." Hitanareo, nanomboka nahita ny fietsik'Andriamanitra ho an'ny finoany izy.

⁹⁹ Ankehitriny, manontany isika raha afaka hahita an'Andriamanitra. Misy fomba iray ve izy hahafahantsika

hahita Azy? Ankehitriny, izany no fomba tokana nananan'Andriamanitra, nizahana toetra an'i Joba. Hoy izy hoe, "Efa nandre ny Aminao aho, tamin'ny fandrenesan'ny sofina, fa ankehitriny kosa aho mahita Anao. Fa ankehitriny kosa aho mahita Anao, amin'ny masoko." Natao niharihary ilay fahitana ny tsy hita maso. Efa nahita ny rahona nihorona izy, efa nandre ny fanjelatry ny tselatra, na nahita an'izany. Ary efa nahita ny fikodiadian'ny kotrokorana izy, angamba tamin'ny andro mazava, ary efa hitany fa tao amin'io rahona sy tao amin'io tselatra io Andriamanitra. Afaka nahita an'Andriamanitra izy, niaraka tamin'ny masonry ara-boajanahary. Hitanareo, satria tonga hita maso ilay tsy hita maso. Ny fahitana hita maso an'ireo hafa tamin'izay fotoana izay dia voamarina, nazava, teo amin'ny maso ara-boajanahary.

¹⁰⁰ Tahaka ny finoana miaraka amin'ny asa mihitsy, araka ny notenenintsika omaly hariva. Abrahama, tsy...tsy nanana na Baiboly ho vakiana aza, saingy mpaminany iray izy, ny fahitany sy ny finoany. Ary toy ny hoe diso ho an'ny hafa ny nieritreretany tahaka an'izany, ny nieritreretany fa hahazo zaza iray izy ireo. Fa nahazo an'ilay zaza izy ireo, satria ny fahitana ny amin'ilay zaza no noresahany hoe, "Ho azoko izany! Ho azoko izany!" Fa rehefa teraka ilay zaza, tamin'izay fotoana izay ireo olona hafa vao afaka nahita tamin'ny maso izay efa hitany tao amin'ny fahitana iray. Ary rehefa mandeha mihetsika eo amin'izay inoanareo ao am-ponareo ianareo, dia amin'izay fotoana izay vao mahafantatra an'Andriamanitra ny olona, ary mahafantatra an'izay mitranga aminareo, amin'ny alàlan'ny fomba hihetsehanareo. Tahaka an'izany no ahitanareo an'Andriamanitra amin'ny maso. Fa ho azy, izay rehetra nataony ka tsara, izay rehetra nataony ho an'ireo hafa, dia nila olona iray hanelanelana ho azy izy. Rehefa tonga ny fahaterahan'ilay zaza, Isaka, ilay—ilay tsindrimandry izay nitarika azy teo amin'io no nanamarina ny fahitany ho eo amin'izay nahafahan'ny olona nahita fa izay hitany tao amin'ny fahitana iray dia ny Fahamarinana tokoa.

¹⁰¹ Ankehitriny, tonga amin'ny fotoan'ny fahasarotana mihitsy matetika ireo fitempon'ny finoana. Mazàna ny fahasarotana dia mitarika antsika ao amin'izany. Fahasarotana iray no nitarika an'i Joba tao amin'izany. Nahoana, teo amin'ny faran'ny fiaianany izy. Maty ireo zanany; ireo ramevany. Ary tapitra sy rava ny fananany rehetra. Ary ny fiaianany manokana, rakotry ny vay hatrany an-tampon-dohany ka hatrany amin'ny faladiany izy. Fahasarotana iray izany, ka nanery ny tenany izy, teo no nandona azy ilay tsindrimandry.

¹⁰² O ry lehilahy sy vehivavy, izao hariva izao, raha afaka mijery manodidina ianareo ka mahita hoe akaikin'ny Fihavian'ny Tompo toy ny ahoana isika. Ianareo nanemotra ny batisan'ny Fanahy Masina. Angamba niankina tamin'ny fientanam-po iray ianareo, na zavatra iray izay nataonareo ka azon'i Satana

alain-tahaka, dia tsy afaka mahazo an'ilay tena Fanahy ao anatinareo mba handeha hatramin'ny farany ao amin'ireo teny fikasan'Andriamanitra. Ahoana no ahafahan'ny olona iray izay mihambo ho manana ny Fanahy Masina nefà mandà Teny anankiray an'ity Baiboly ity, hoe, "tsy marina"? Tsy afaka manao an'izany ianareo!

¹⁰³ Tsy mampaninona na mpivavaka toy ny ahoana aza ianareo, na firy na firy ny fiangonana ikambananareo, na firy na firy boky misy ny anaranareo, raha ao anatinareo io Fanahy Masina tena izy io (izay ity Teny ity voaseho), dia hahita ny Hafatra sy ny ora ianareo, satria ny Fanahy Masina no manao an'izany. Fa tsy maintsy misy zavatra iray mandrehitra an'izany, ny tsindrimandry mahazo anareo. Ary raha misy... raha mandraraka rano eo amin'ny tany ianareo, eo amin'ny tany, eo amin'ny tany, ka tsy misy voa ao anatiny ao handray an'izany, dia ahoana no mba ahafahan'izany hamokatra zavatra iray? Tsy misy na inona na inona hamokatra ao. Izany hoe, ilay Voafidin'Andriamanitra irery ihany no hahita an'Izany.

¹⁰⁴ Ilay Voafidin'Andriamanitra no nahita an'Izany tamin'ny andron'i Noa, ny andron'i Mosesy, ny andron'i Jesosy, ny andron'ireo apostoly, ny andron'i Luther, ny andron'i Wesley, ny andron'ny Pentekotista, satria izany ilay Voa izay teto ambonin'ny tany rehefa nirotsaka io tsindrimandry io. Ankehitriny raha mbola mirotsaka ny tsindrimandry, mba hanangona ny Ampakarina miaraka, dia ireo izay Voafidy irery ihany no hahita an'Izany. Hoy Jesosy hoe, "Misaotra Anao Aho, Ray, fa Ianao no nanafina an'ireo zavatra ireo tamin'ny mason'ny hendry sy ny manan-tsaina, ka nanambara an'Izany tamin'ireo zaza izay hianatra." Ankehitriny, tsy maintsy mahazo an'izany ny tsindrimandry.

¹⁰⁵ Ankehitriny, rehefa nahazo azy ny tsindrimandry, dia izany no nanao an'ilay izy. Azony Izany tamin'izay fotoana izay! Ankehitriny, mahita isika, tonga ny fotoana iray an'ireo fahasorotana izay isian'ny fanerena mihitsy. Ary jereonareo ny manodidina amin'izao andro izao, jereo ny toerana izay iainantsika. Tsy miaina ao amin'i Sodoma sy Gomora iray moderina ve isika? Tsy miverina indray ve ilay izao tontolo izao? Izao tontolo izao Jentilisa iray no noravana tamin'izany fotoana izany, tamin'ny afo. Tsy nilaza ve Jesosy, ao amin'ny Masindahy Lioka, ny toko faha-17, ny andininy faha-28, faha-29, ary faha-30, hoe, "Tahaka ny tamin'ny andron'i Sodoma, dia ho toy izany koa amin'ny fihavian'ny Zanak'olona, rehefa ho voambara ny Zanak'olona"? Inona ny "voambara"? Izany dia tsiambaratelo iray nampahafantarina, fanambarana iray; manambara na mampahafantatra tsiambaratelo iray izany.

¹⁰⁶ Ankehitriny, ireo zavatra izay nafenina nandritr'ireo taom-piangonana rehetra no voambara ankehitriny, nampahafantarina. Ankehitriny, afaka hilaza an'izany isika, ary raha tsy nanohana an'izany Andriamanitra, dia diso

izany. Hitanareo, tsy mila olona iray handika Ny Teniny Andriamanitra, Izy no Mpandika Teniny Manokana. Hoy Izy hoe, “Hanan-anaka ny virijiny,” dia nanana izy. Hoy Izy hoe, “Aoka hisy mazava,” dia nisy izany. Ary tsy miaina ao amin’ny taonan’i Luther isika, ny taonan’i Wesley, na ny taonan’ny Pentekotista. Famerenana fotsiny ihany an’ireo fanomezam-pahasoavana niverina tao amin’ny fiangonana ny taonan’ny Pentekotista, fa miaina ao amin’ilay andro hariva isika, miaina ao amin’ny andro fiantsoana ny Ampakarina hivoaka.

¹⁰⁷ Ary tahaka ny nahasarotra ho an’ireo Katolika mihitsy ny hahita an’i Luther, sy ny an’i Luther hahita ny Wesley, ary ireo Penteko-... ny an’i Wesley hahita ny taona Pentekotista, dia sarotra toy izany koa ho an’ireo Pentekotista ny hahita an’ity taona ity. Tahaka an’izany foana ilay izy, satria nirotsaka teo amin’ny Voa Voafidy iray Izany, ary izany irery ihany. Izany no ampiaranin’ny Baiboly. Tsy afaka mahita an’Izany izy ireo, nivavaka ho azy ireo mihitsy aza Jesosy, nanao hoe, “Jamba izy ireo, tsy fantany izany.” Ny fanambarana no miteny amintsika, ao amin’ity taom-piangonana Laodikiana ity, rehefa natao tany ivelan’ny fiangonana Izzy, hoe izy ireo dia “mitanjaka! malahelo! mahantre! jamba! nefo tsy fantany izany.” Miverina indray, tsy afaka mahita an’Izany izy ireo, tsy afaka mahazo an’Izany. Voasingotra loatra ao amin’ny fombafomba izy ireo!

¹⁰⁸ Fa tsarovy ny Tenin’Andriamanitra nampanantenaina avy teo amin’ny vavan’i Jesosy Kristy, ilay tena Andriamanitra izay niantso ny famoronana ho amin’ny fisiana, Izy no Tokana talohan’ny famoronana an’izao tontolo izao izay niteny an’ireo Teny hoe, “Fa aoka hisy,” dia nisy izany. Satria hoy Izy hoe, “Teto amin’izao tontolo izao Izzy, ary Izzy no nanaovana an’izao tontolo izao, fa izao tontolo izao tsy nahafantatra Azy. Fa izay rehetra nahafantatra Azy, dia Nomeny hery izy ireo ho tonga zanak’Andriamanitra.” Ilay tena Mpamorona, ary ilay tena Mpamorona Izzy tenany, rehefa nanangana an’i Lazarosy tamin’ny maty Izzy, dia hoy Izy hoe, “Aza mihevitra an’izao ho hafahafa, fa ho avy ny ora izay handrenesan’ny maty rehetra ao am-pasana ny Feon’ny Zanak’olona, ka hivoaka izy ireo.” Ilay tena Andriamanitra izay nanao hoe “Aoka hisy Mazava,” no nilaza hoe “Ny Feon’ny Zanak’olona no hamoha an’ireo izay ao am-pasana.” Tsy maintsy mitranga amin’ny vanim-potoany izany. Niteny Izzy hoe, “Aoka hisy lahy sy vavy,” sy ny sisa, sy ity rehetra ity, an-taona maro sy an-jatony taona talohan’ny nitrangan’izany.

¹⁰⁹ Nandonia ny mpaminany Isaia ilay tsindrimandry, dia hoy izy hoe, “Zaza no ateraka ho antsika, zazalahy no nomena. Ny Anarany atao hoe Mpanolo-tsaina, Andrian’ny Fiadanana, ilay Andriamanitra Mahery, ilay Rain’ny mandrakizay.” Lasa ireo taona, ireo volana, ireo taona, ireo andro, ireo herinandro, nihodina ireo taona, nihodina ireo an-jatony taona. Valonjato taona taty aoriana, dia nateraky ny virijiny iray

Imanoela! Nahoana? Satria voatenin'ny molotr'ilay mpaminany voahosotr'Andriamanitra izany, nivoaka ny voa iray. Hitanareo? "Ary amin'izany ora lehibe izany," hoy izy, "dia hitady ianareo...hangataka Amiko fahitana iray na famantarana iray."

¹¹⁰ Hoy Izy hoe, "Hanome azy ireo famantarana iray Aho, famantarana mandrakizay iray, 'Hanan-anaka ny virijiny,' famantarana mandrakizay iray."

¹¹¹ Ankehitriny, hitantsika fa ao amin'ireo oran'ny tena fahaterena ireo, mazàna dia amin'izany no miditra ny Fanahin'Andriamanitra. Navelany niditra mihitsy tao amin'ilay lafaoro afo ireo zanaka Hebreo, talohan'ny Nanetsehany tànana iray mihitsy aza. Fa rehefa nihetsika Izy, dia mihetsika Izy.

¹¹² Ankehitriny, mahamarika isika eto fa ao amin'ny Lioka, ny-ny toko faha-17, ary ny andininy faha-30, fa hoy Izy hoe, "Amin'ny andro farany, no hanambaran'ny Zanak'olona ny Tenany tahaka ny Nataony talohan'i Sodoma sy Gomora mihitsy, ka ireo toe-javatra ireo ihany no hisy." Niresaka ny amin'i Mosesy Izy, ny amin'i...ary manao azafady aminareo aho, tsy ny amin'i Mosesy, fa ny amin'i Noa. Ahoana fa io vahoaka io dia "nihinana, nisotro, sy ny sisa, nanambady sy navoaka hanambady." Tonga Izy avy eo, hoy Izy hoe, "Ankehitriny, tahaka ny tamin'ny andron'i Lota, dia ho toy izany koa amin'ny fotoana rehefa ho voambara ny Zanak'olona." Ankehitriny, diniho, voambara tamin'ny vondron'i Abrahama ny Zanak'olona, toy ny Lehilahy iray, Mpaminany iray tamin'ny endrika nofon'olombelona, Lehilahy tsotra iray niaraka tamin'ny vovoka teo amin'ny Akanjony, nefä Abrahama niantso Azy hoe "Elohim."

¹¹³ Ankehitriny, mampanantena Jesosy eto fa amin'ny andro farany dia ho voambara indray amin'io karazana vondrona io ihany ny Zanak'olona, ilay Taranaka mpanjaka an'i Abrahama, alohan'ny ilatsahan'ny afo mihitsy. Tsarovy, tsy nahazo vavolombelona intsony ny fiangonana, tsy nahazo intsony i Abrahama sy izy ireo, nentina avy hatrany taorian'izany ilay zanaka nampanantaina izay nandrasan'izy ireo. Ary miandry an'ilay Zanaka Nampanantaina ny fiangonana, ho tonga avy hatrany aorian'ny andron'ity asam-panompoana ity Izy, ho voambara avy any an-danitra Izy. Ankehitriny, mahita azy tena miharihary isika, tsy maintsy ho izany ilay izy. Ankehitriny, ny zavatra tokana tsy maintsy hisy dia zavatra iray mitempo, miditra ao amin'ny olona, Andriamanitra no manamarina sy miteny aminy ary maneho aminy fa izany ilay zavatra hitranga; ary ianareo dia...

¹¹⁴ Tahaka ny nataon'i Mosesy, tsy te-hanafaka an'ireo zanaka ireo izy, saingy niteny taminy tao anatin'ny roimemy nirehitra iray Andriamanitra. Tsy te-handeha izy, saingy tsy maintsy nandeha. Efa nandre Azy ho ilay Jehovah lehibe i Mosesy. Ary afaka nahita Azy izy tamin'io fotoana io, tao amin'ny endrika

Andry Afy iray Izy. "Efa nandre ny Aminao aho, fa ankehitriny kosa aho mahita Anao." Tao amin'ny inona Izy no hita? Ny Teniny voamarina.

¹¹⁵ Niteny tamin'i Abrahama Andriamanitra fa "hivahiny any amin'ny tany hafa mandritry ny efajato taona ny vahoakany, fa Izy no hamoaka azy ireo amin'ny tānana mahery."

¹¹⁶ Ary, mariho, io roimemy nirehitra io no nanome fanamarinana an'izay nolazain'i Abrahama mpaminany fa hiseho. Hoy i Mosesy hoe, "Efa nandre ny amin'izany aho, fa ankehitriny kosa aho mahita azy!"

¹¹⁷ Ankehitriny, *isika dia efa* nandre fa ho tonga eo anivon'ny Vahoakany ny Zanak'olona amin'ny andro farany ka hanambara ny Tenany amin'ilay vahoaka amin'ny fomba iray ihany izay Nataony tamin'ny... talohan'ny fandravana an'i Sodoma mihitsy. Ny Zanak'olona, inona no Nataony? Nahafantatra an'ireo tsiambaratelo izay tao am-pon'i Saraha Izy. Nanome an'ilay teny fikasana ho an'i Abrahama ihany koa. Efa nandre ny Feon'Andriamanitra i Abrahama, mety efa nahita Azy tamin'ny fomba maro samihafa izy (tsy fantatro hoe ahoana no Niresahany taminy, tamin'ny alàlan'nynofy na tamin'ny alàlan'ny faminaniana), fa nahita Azy kosa izy tamin'io fotoana io. "Efa nandre ny Aminao aho, fa ankehitriny kosa aho mahita Anao."

¹¹⁸ Ary efa nandre ny amin'Andriamanitra ny fiangonana, efa nandre ny Aminy izy ireo, sy izay Nataony, ary ireo teny fikasana izay Nataony, fa ankehitriny kosa isika mahita Azy amin'ny masontsika (tahaka ny nahitan'i Joba mihitsy hoe), "Efa nandre ny Aminao aho, fa ankehitriny kosa aho mahita Anao." Oadray! Fahasamihafana iray toy ny inona.

¹¹⁹ Mosesy, tao amin'io fahasarotana io, dia nitaraina. Ary mahita isika, ao amin'ny Eksodosy, ny toko faha-14, ny andininy faha-13 ka hatramin'ny faha-16, Mosesy tao amin'io fisintonana lehibe io tany niaraka tamin'ireo zanak'Isirael, dia nahazo azy ny tsindrimandry, ary nilaza an'izay nasaina nolazainy izy, tsy nahafantatra hoe nilaza an'izany. Hitanareo, "Mipetraha tsara ary jereo ny famonjen'Andriamanitra." Tsy mbola niteny taminy mihitsy Andriamanitra. Hitanareo, ilay tsindrimandry no nahazo azy.

¹²⁰ Hoy izy ireo hoe, "Nahoana izahay no nentinao teto? Tokony ho faty tany Egypta izahay. Satria ve tsy nisy fasana tany? Nentinao teto izahay, ary navelanao ho faty; afaka niaina ampiadanana toy ny andevo izahay mandra-pahafatinay, saingy ianao no nitondra anay teto."

¹²¹ Mosesy, mpaminany iray, nahafantatra fa nanana fidirana teo amin'Andriamanitra izy, dia voatsindrimandry, ka hoy izy hoe, "Mipetraha tsara dia ho hitanareo ny famonjen'Andriamanitra; fa ireo Egyptiana izay hitanareo androany ireo, dia tsy ho hitanareo intsony indray." Ahoana

no nahafantarany fa hitranga izany? Ahoana no nahafantarany? Tsy fantany izay noteneniny.

¹²² Fa taorian'ny nitenenany an'izany avy hatrany, dia notenenin'Andriamanitra taminy hoe ahoana no hanaovana an'izany. Hoy Izy, "Ry Mosesy, aza mitaraina Amiko, raiso ny tehinao eny an-tananaao ka ahinjiro eo ambonin'ny ranomasina izany, ary teneno ny zanak'Isiraely mba 'Handeha!'" Amena!

¹²³ Ny tsindrimandry! Tahaka an'izany no ahazoany anareo raha marary ianareo. Tahaka an'izany no ahazoany anareo raha ory ianareo. Nisy zavatra iray voambara taminareo, ka hitanareo fa efa voambara ilay izy, dia miteny ianareo hoe, "Sitrana aho!"

¹²⁴ Miteny aminareo an'izay hatao Andriamanitra avy eo hoe, "Mitsangàna dia manomboha mandeha." Amena! Tapitra ny rehetra amin'izay fotoana izay, rehefa afaka manao an'ilay izy tahaka an'izany ianareo. Tahaka an'izany no anaovan'Andriamanitra azy, mahita an'Andriamanitra voaseho amin'ny alàlan'ny tenanareo ianareo amin'izay fotoana izay.

¹²⁵ Andriamanitra no niteny taminy mba hanao an'ilay izy. Ankehitriny, tamin'izay fotoana izay, ny rehetra izay nanatrika, ny Isiraely rehetra izay nanatrika dia nahita an'ilay tsindrimandry izay nahazo an'i Mosesy. Nahita an'Andriamanitra izy ireo, tamin'ny masonry manokana, nitsoka an'io rano io avy teo amin'ny ilany anankiray nankany amin'ny hafa. Ary io Andry Afo io no nitarika azy ireo hiampita an'ilay—ilay ranomasina. Efa nandre an'Andriamanitra izy, nahita an'Andriamanitra izy ireo avy eo.

¹²⁶ Tao amin'ny oran'ny fahasarotana iray i Josoa, rehefa nandositra ireo tafika, ka hilentika ny masoandro. Mpaminany iray i Josoa, ary fantany fa raha mba nanana anjara iray hikambana indray ireo tafika ka ho tonga hanohitra azy, dia hahavery lehilahy maro izy, koa tao anatin'io oran'ny fahasarotana io rehefa nisy zavatra anankiray tsy maintsy ho vitaina... Zavatra anankiray ihany no nisy, raha afaka manohy mampitsoaka azy ireo izy, dia hampandositra azy ireo, ny tsirairay avy, dia ho vita. Saingy tsy ampy hazavana teo hanaovana an'izany, noho izany dia nitsangana i Josoa, nanangana ny tanany, hoy izy hoe, "Ry masoandro, mipetraha tsara! Ary ry volana, mihantona eo ambonin'i Aialona mandra-pahavitako an'ity ady ity." Dia nipetraka tsara ilay masoandro. Efa nandre an'i Josoa niteny izy ireo, ary nahita an'Andriamanitra izy ireo avy eo, tamin'ny masonry manokana, teo am-perinasa. Marina!

¹²⁷ Hitanareo, mazava ho azy, sarotra inoana ny mahita zavatra iray izay toy ny hoe tsy azo atao, kanefa marina izany. Fa, "Nipetraka tsara ilay masoandro," hoy ny Baiboly. Tsy fantatro izay heverinareo olona, izay mihevitra fa mihodina izao tontolo izao, ankehitriny; fa, na ahoana na ahoana, "nipetraka tsara ilay masoandro." Tsy niezaka mihitsy angamba i Josoa

ny hahazo an-tsaina hoe ahoana no—no hanaovany an'izany, ahoana no hanaovan'Andriamanitra azy, ny zavatra tokana nolazainy dia hoe, “Ry masoandro mipetraha tsara!” Nilaza an'izany izy, angamba tsy nahafantatra an'izay nolazainy, satria Andriamanitra no nanome azy an'izany, ary niasa Izy.

¹²⁸ Zavatra mitovy amin'izany ao amin'ny Marka 11:23, “Raha mitenam amin’io tendrombohitra io ianareo hoe ‘mifindrà,’ ka tsy misalasala ao am-ponareo, fa mino hoe hiseho izay nolazainareo, dia afaka hahazo an'izay nolazainareo ianareo.” Fa tsy afaka hitsangana eo ianareo hitavozavoza ao an-tsainareo ka hilaza an'izany, tsy maintsy voatsindrimandry hilaza an'ilay izy ianareo. Amena!

¹²⁹ Miala tsiny aho amin'ilay fitenenana; fa tamin'io andro io, nipetraka tany tao anatin'io ala io (ary Andriamanitra no Mpitsarako, ary mety hianjera maty eto amin'ity polipitra ity aho), rehefa nahasaikatra ahy nandrity ny fiainako rehetra io Soratra io... nipetraka tany tamin'io maraina io tao anatin'ireo ala, ary nieritreritra an'izany aho, ka niteny tamiko io Feo io, hoy Izy hoe, “Io Soratra io dia mitovy amin'ny Soratra rehetra, marina Izy.”

¹³⁰ Ary nieritreritra aho hoe, “Eny, ahoana no hampety an'izany?”

¹³¹ Fa hoy Izy hoe, “Ianao dia...” Hoy aho... Hoy Izy hoe, “Mitenena, dia ho tahaka an'izany ilay izy. Aza misalasala ny amin'Izany.”

¹³² Ary niresaka tamin'ny Olona iray aho, tao anatin'ireo ala. Tsy nisy vontsira, efa telo andro aho no teo, tsy nisy vontsira teo. Ary nipetraka tao anatin'ny amontana matevina iray aho. Tsy tonga akory aza ireo vontsira... ny olona rehetra izay mihaza vontsira, dia mahafantatra hoe tsy ao anatin'ny amontana izy ireo. Fa nipetraka teo aho; ary nitsoka mafy ny rivotra, teo amin'ny folo maraina teo, dia nieritreritra indray aho.

¹³³ Ary hoy Izany hoe, “Mihaza ianao, ary mila vontsira tahaka ny nilan'i Abrahama osilahy iray mihitsy.”

¹³⁴ Nieritreritra aho hoe, “Niteny tamiko ny Fahamarinana foana Izany, saingy toy ny hafahafa ity.” Dia nitsangana avy teo amin'izay nipetrahako aho, njery manodidina hoe, “Aiza ilay Olona izay niresaka tamiko?” Tsy nisy na inona na inona; ny rivotra fotsiny no nitsoka tena mafy. Ary nieritreritra aho hoe, “Mety resin-tory ve aho ka nanonofy an'izany? Tsia, tsy natory aho. Nipetraka niankina teo amin’io hazo io aho, nandinika, natao haka an-dRahalahy Wood sy Rahalahy Sothmann ery aoriana ery, afaka kelikely fotsiny, teo amin'ny folo maraina teo. Ireo mpamboly rehetra dia ireo miasa ireo, manangona ny katsany.”

¹³⁵ Ary nandre Azy indray aho, nanao hoe, “Mihaza ianao, ary mila haza. Firy no ilainao?”

¹³⁶ Fa nieritreritra aho hoe, “Ankehitriny, tsy te-hanao tafahoatra an’izany aho, hangataka telo fotsiny aho, vontsira telo. Mila vontsira tanora, mena telo aho. Mila an’ireo aho.”

¹³⁷ Hoy Izy hoe, “Noho izany dia teneno ny amin’izany.”

¹³⁸ Ary hoy aho hoe, “Hahazo vontsira tanora mena telo aho.”

¹³⁹ Hoy Izy hoe, “Aiza no lèlana hahatongavan’izy ireo?”

¹⁴⁰ “Eny,” nieritreritra aho hoe, “efa nandeha hatreto aho, misy Zavatra miresaka amiko eto.” Tahaka anareo mandre ahy miresaka mihitsy. Ary Andriamanitra any An-danitra, miaraka amin’ity Baiboly eto amin’ny foko ity, no mahafantatra fa marina izany. Ary Izy... Dia hoy aho hoe, “Eny,...” Naka toerana ratsy iray aho, rantsan-kazo maina iray izay nihantona teo (teo amin’ny dimampolo yards, izay nitifiran’ny basiko).

¹⁴¹ Hoy aho hoe, “Ho eto mihitsy ny anankiray voalohany,” dia teo izany.

¹⁴² Nokosehiko ny masoko ary njery indray aho (nahodiko ny lohako), dia nieritreritra aho hoe, “Tsy te-hitifitra fahitana iray aho.” Nijery nanodidina indray aho noho izany, ary nipetraka teo ilay vontsira. Nampiditra fahana iray tao amin’ny basiko aho, nikendry, ary afaka nahita ny masonry mainty, vontsira tanora mena. Nieritreritra aho hoe, “Izaho—izaho... angamba matory aho, izaho—izaho dia hifoha afaka minitra vitsy. Hitanao, manonofy an’izany aho.” Eny, nikendry tsara aho, nitifitra an’ilay vontsira ary nianjera teo amin’ilay rantsan-kazo izy. Nieritreritra aho hoe, “Eny, tsy fantatro.” Nieritreritra aho hoe, “Eny, tokony handeha eo ve aho ka hitady an’ilay izy?” Fa—fa nandeha teo aho, ary nandry teo ilay izy. Nalaiko izy ary nivoaka avy tao aminy ny rà. Tsy mandeha rà ny fahitana iray, fantatrareo. Noho izany nalaiko izy, ary vontsira iray izany. Tena lasa ngoly aho, nanerana mihitsy.

¹⁴³ Dia njery manodidina aho, hoy aho hoe, “Andriamanitra, Ianao izany!” Hoy aho hoe, “Misaotra Anao, ny amin’ity. Ankehitriny handeha aho ary...”

¹⁴⁴ Hoy Izy hoe, “Fa ianao no *nilaza!* Misalasala amin’izay nolazainao ve ianao? Ianao no nilaza fa ianao dia hahazo ‘telo.’ Ankehitriny avy aiza no ho tonga ilay anankiray manaraka?”

¹⁴⁵ Nieritreritra aho hoe, “Eny, raha manonofy aho, dia hanohy.”

¹⁴⁶ Noho izany aho—aho dia nanao hoe... Nifidy andry tranainy iray aho teo, an’ny hazo iray rakotry ny zava-maniry mahafaty eto. Tsy hahita vontsira iray ao anatin’izany mihitsy ianareo. Noho izany hoy aho hoe, “Hivoaka avy eto amin’ity zava-maniry mahafaty ity mihitsy ny anankiray manaraka,” dia nipetraka teo ilay vontsira tanora mena njery ahy mihitsy. Napetrako ny basiko, ary nokosehiko ny masoko. Nitodika indray aho, nieritreritra aho... Nipetraka teo izy, nanodina ny lohany tany

amin'ny ilany. Notifiriko ilay vontsira, ary nanomboka nandeha nody aho avy eo.

¹⁴⁷ Fa hoy Izy, “Nilaza ianao hoe ‘telo’! Misalasala amin’izay nolazaina ve ianao?”

¹⁴⁸ Hoy aho hoe, “Tsia, Tompo, tsy misalasala amin’izay nolazaiko aho, satria Ianao no manamarina.”

Ity ny Soratra anankiray izay nahasaikatra ahy: “Tsy hoe raha Izaho no milaza, fa raha *ianareo* no milaza.” Tsy hoe raha *Jesosy* no nilaza an’ilay izy, fa raha *ianareo* ihany no milaza an’ilay izy.

¹⁴⁹ Ary nieritreritra aho hoe, “Na manao ahoana na manao ahoana dia niditra tao amin’io fantsona io aho, ary fantatiro fa eto Izy satria saiky any ivelan’ny tenako aho.” Nieritreritra aho hoe, “Hanao an’ity anankiray ity hahatsikaiky aho, azo antoka tokoa.”

Hoy aho hoe, “Hisy vontsira mena iray hidina amin’itsy havoana itsy, ho tonga eto amin’ity lâlana ity mihitsy, ary eto anilako mihitsy, ka hivoaka, ary hipetraka eo ambonin’itsy rantsan-kazo itsy, dia hijery an’itsy mpamboly etsy itsy.” Indro izy nidina an’ilay havoana, nivoaka avy hatrany, ary nipetraka, njery an’ilay mpamboly. Dia notifiriko izy.

¹⁵⁰ Hoy i Satana tamiko hoe, “Mba fantatralo moa? Feno azy ireo mihitsy ireo ala, ankehitriny.” Ary nipetraka teo aho hatramin’ny roa ambin’ny folo, fa tsy misy zavatra hafa iray nitranga. Izany dia mba hanehoana fa rehefa Andriamanitra . . . Izy no ilay tena Mpamorona ny Lanitra sy ny tany!

¹⁵¹ Eo am-pihainoana, any Jeffersonville ankehitriny, misy fianakaviana iray any antsoina hoe Wright. Nandeha njery azy ireo izaho sy Rahalahy Wood. Izy ireo no manamboatra ny divaim-pandraisana ho an’ny fiangonana. Nipetraka tao amin’ilay efitra i Edith kely tany; zazavavy kely kilemaina iray, izay efa narary nandrity ny fiainany rehetra, ary niandry an’Andriamanitra foana izahay noho izany mba hanasitrana azy. Ny rahavaviny, maty vady iray, novonoina ny vadiny; Hattie no anarany, vehivavy kely tena manetry tena. Ary raha mbola nandeha izaho sy Rahalahy Banks mba hitady bitro iray ho azy, dia nahandro mofomamy misy serizy goavana iray izy ireo; ary nampipetraka ahy ka hihinana.

¹⁵² Nipetraka nanodidina ny latabatra izahay rehetra, niresaka ny amin’io, andro vitsy talohan’io fotsiny izany. Ary raha mbola nipetraka nanodidina ny latabatra izahay, niresaka ny amin’io, tampoka teo dia hoy aho hoe, “Inona no nety nitranga?” Hoy aho hoe, “Rahalahy Wright, lehilahy antitra iray ianao, nihaza vontsira nandrity ny fiainanao rehetra. Rahalahy Shelby, mpihaza vontsira za-draharaha iray ianao. Rahalahy Wood, toy izany koa ianao. Efa nihaza azy ireny aho hatramin’ny nahazaza. Efa mba nahita vontsira iray tao anaty amontana sy akasia matevina ve ianareo?”

¹⁵³ “Tsia, tompoko.”

¹⁵⁴ Hoy aho hoe, “Tsy tao mihitsy izy ireo.” Hoy aho hoe, “Ny zavatra tokana fantatro, dia ilay Andriamanitra iray ihany Izany. Rehefa nila osilahy iray i Abrahama, dia Izy no *Jehovah-jire*, Izy no afaka ‘nanomana ho an’ny Tenany.’” Hoy aho hoe, “Mino aho fa zavatra iray ihany ilay izy.”

¹⁵⁵ Ary Hattie antitra kely izay nипetraka teo aoriana teo, nanao hoe, “Ranadahy Branham, tsy misy afa-tsy ny Fahamarinana izany!”

¹⁵⁶ Nilaza an’ilay zavatra marina izy! Rehefa nilaza an’izany izy, dia nidina teo amin’io fantsona io indray ny Fanahy Masina, nahatsapa an’Izany ny tsirairay avy tamin’izy ireo. Nitsangana aho, hoy aho hoe, “Ranabavy Hattie, HOY NY TOMPO HOE, nilaza ny teny marina tahaka ny nolazain’ilay vehivavy Syrofoinisiana ianao. Miteny amiko ny Fanahy Masina ankehitriny, ary nilaza tamiko mba hanome anao izay sitraky ny fonao.” Hoy aho hoe, “Ankehitriny, raha mpanompon’Andriamanitra aho, raha izay ilay izy, dia hitranga izany. Raha tsy mpanompon’Andriamanitra aho, amin’izay fotoana izay dia mpandainga iray, ka tsy hitranga izany, mpamitaka iray aho.” Hoy aho hoe, “Ankehitriny andramo ka jereo, raha izany no Fanahin’Andriamanitra na tsia.”

¹⁵⁷ Hoy izy hoe, “Ranadahy Branham,” (nitomany ny olona rehetra), hoy izy, “inona no hangatahiko?”

¹⁵⁸ Hoy aho hoe, “Manana rahavavy kilemaina iray ianao mипetraka eto.”

¹⁵⁹ Nanana roapolo dolara aho tao anatin’ny paosiko, mba homena azy, izay nataony tao anatin’ny fanomezana. Ilay vehivavy dia tsy mba manana tahirim-bola eo amin’ny roanjato dolara isan-taona, teo amin’io fiompiana kely, traintay, mahattra io, izy sy ireo zananilahy anankiroa. Ireo zananilahy dia efa tena lasa mpanaraka ‘Ricky’s,’ amin’ny andro fianarana, fantatrareo, ary tsy nanaja ny reniny mihitsy; ary dimy ambin’ny folo, enina ambin’ny folo taona. Ary, oh, nitsangana teo izy ireo nihomehy an’izay nolazaiko.

¹⁶⁰ Dia hoy aho hoe, “Manana ray sy reny mипetraka eto izay antitra ianao. Tsy manam-bola mihitsy ianao. Mangataha vola, dia jereo raha tsy tonga eo amin’ny lohalikao izany. Mangataha ho an’ny rahavavinao, dia jereo raha tsy mitsangana izy ary mandeha.” Fantattro tamin’izay fotoana izay, tahaka an’i Joba, misy zavatra iray fotsiny izay fantatrareo rehefa mahazo anareo izany. Hoy aho, “Fantattro! Indro mitsangana eto anoloan’ny olona eo amin’ny folo eo aho,” hoy aho hoe, “raha tsy mitranga izany, amin’izay fotoana izay dia mpaminany sandoka iray aho.”

¹⁶¹ Hoy izy, “Inona no hangatahiko?”

¹⁶² Hoy aho hoe, “Miankina aminao ny manao ny fanapahan-kevitrao. Tsy afaka manao ny fanapahan-kevitrao aho.”

¹⁶³ Nijery nanodidina izy, ilay vehivavy kely. Ary tampoka teo, dia hoy izy hoe, “Ranadahy Branham, ny famonjena an’ireo zanako lahy anankiroa no faniriako lehibe indrindra ato am-poko.”

¹⁶⁴ Hoy aho hoe, “Omeko anao ireo zanakao lahy, amin’ny Anaran’i Jesosy Kristy.” Ary ireo zazalahy nihanihany, nihomehy, naneso ireo dia niantoraka teo amin’ny lohaliky ny reniny, ary nanolotra ny fiainany ho an’Andriamanitra, ka feno ny Fanahy Masina teo no ho eo.

¹⁶⁵ Nahoana? Izany no Fahamarinana! Manana fahefana hamono ahy Andriamanitra, eo anatrehan’ireto olona manerana ny firenena ireto. Maro aminareo eto sy any Jeffersonville, afaka mandre ny tabernakla aho ankehitriny mampaneno ny, “Amena!” satria mipetraka any mihitsy izy ireo mihaino an’izao. Hitanareo, satria izany no Fahamarinana! Inona izany? Izany dia rehefa ilay Andriamanitra, amin’ny alàlan’ny Fahasoavany masi-mandidy; mitranga ilay izy! Any ankoatran’izay, dia tsy hitranga izany.

¹⁶⁶ Ao amin’io fotoana sarotra io... Eritrereto ireo lehilahy sy olona izay fantatro tsara. Andalovan’Andriamanitra fotsiny ireo laza rehetra, sy ny sisa, mba hanomezana ho an’ny vehivavy mahanttra iray, antitra kely manetry tena, izay zara raha afaka manao sonia ny anarany manokana; ary Fantany izay angatahany. Ary izany no zavatra lehibe indrindra; satria maty ilay rahavaviny ankehitriny, tsy maintsy ho faty ny reniny sy ny rainy, ho levona ny vola, fa Mandrakizay ny fanahin’ireo zanany lahy! Ary izany ilay ora nandraisian’izy ireo an’Izany. Ary vantanay vao nilaza mihitsy aho hoe, “Omeko anao ny zanakao lahy anankiroa, amin’ny Anaran’i Jesosy Kristy,” dia teo izy ireo no niantoraka teo amin’ny lohaliky ny reniny. Firy ato no mahafantatra an’izany ho Fahamarinana, ianareo izay mahafantatra an’izany? [Hoy ny fiangonana hoe, “Amena.”—Mpand.] Hitanareo? Marina izany. Eny. Nahoana? Tsindrimandry!

¹⁶⁷ Ankehitriny: “Efa nandre ny Aminao aho, hoe afaka namorona vontsira Ianao; efa nandre ny Aminao aho, hoe afaka namorona osilahy iray Ianao; fa ankehitriny kosa aho mahita Anao, amin’ny masoko manokana!” Ny fanehoana, ilay fahitana tonga hita maso. Rehefa nampanantena zavatra iray Andriamanitra, dia Hataony izany.

¹⁶⁸ Mariho, rehefa manana ilaina iray ianareo, angamba tahaka an’i Josoa. Nanana ilaina iray izy; tsy nihevitra an’ireo toe-javatra mihitsy izy, noteneniny izany, ary Andriamanitra izany! Mino ve ianareo fa nipetraka tsara ilay masoandro? Izaho koa. Ahoana no nanaovany an’izany? Aza miezaka ny hahazo an-tsaina an’izany, fa nataony izany. Nataon’i Josoa izany, ary natsangany ny tànany; tao amin’io fotoana sarotra io no nananany fidirana tamin’Andriamanitra, ary izany no nitranga. Ara-potoana ilay izy. Nahita ny nilaina an’izany ilay

Fanahin'Andriamanitra Velona, ka nanosika an'i Josoa hilaza an'izany. Ilay Andriamanitra iray ihany no nahita ny nilain'i Abrahama. Ilay Andriamanitra iray ihany no nahita ny nilaina ny hanamarinana an'io Soratra io tamiko, hoe *io* Soratra io dia marina, ihany koa! Ilay Andriamanitra iray ihany no nahita ny nilain'ireo zazalahy voafidy mialoha ireo, ary tamin'io fotoana io Izy no nanaporofo sy nanamarina Ny Teniny.

¹⁶⁹ Masindahy Marka 14, mahita vehivavy iray nino Azy isika, nanana ilaina izy ary hitany fa nila ny Tongony ho sasana Izy, tsy maintsy voatsindrimandry fotsiny izy hiditra ao amin'ilay asa. Ankehitriny henoy tsara raha... alohan'ny hamaranantsika. Tsy maintsy voatsindrimandry fotsiny izy hiditra ao amin'ilay asa, satria efa nandre ny Aminy. Nandre izy fa "Namela ny fahotan'ny vehivavy iray Izy, mpijangajanga iray. Ary hoy Izy, 'Iza aminareo no tsy manota? Mitoraha vato voalohany.'" Efa nandre ny Aminy izy, fa ankehitriny kosa izy nahita Azy. Voatsindrimandry hanompo Azy izy. Izany no zavatra tokana tokony haha-izy anareo.

¹⁷⁰ Avelao ny Fanahy Masina hiteny aminareo hoe "Mpanota iray ianareo!" Avelao ny Fanahy Masina hiteny aminareo hoe "Diso ianareo!" Avelao ny Fanahy Masina hanaporofo aminareo amin'ny alàlan'ny Soratra hoe "Diso ara-tSoratra ianareo!" Ary izay... satria hihetsika fotsiny ihany amin'ny alàlan'ny fantsona mahitsy anankiray an'ny tena Soratr'Andriamanitra Izany, tsy hihodina amin'ny inona na inona Izany. Raha manao ianareo, dia tsy hahavita soa ho anareo mihitsy Izany. Satria afaka manindrimandry an'Izany aminareo ny Fanahy Masina, saingy raha tsy marina amin'Andriamanitra ilay fanahy, araka ny efa nandalovantsika tamin'ity herinandro ity, dia tsy ho tsara izany na ahoana na ahoana. Tsarovy, hiseho ireo voahosotra sandoka amin'ny andro farany; tsy ireo Jesosy sandoka, fa ireo kristy sandoka (ireo voahosotra), ka hamitaka ny tena Voafidy raha azo natao izany.

¹⁷¹ Mariho, nanana asa iray hatao ho Azy izy. Efa nandre ny Aminy izy, ankehitriny kosa izy nahita Azy tamin'ny masonry. Nanana asa iray hatao izy, nefo tsy nanana na inona na inona hanaovana an'izany. Noho izany nandeha haingana izy na ahoana na ahoana, mba hanao an'ilay asa, dia Andriamanitra no nanolotra ny rano sy famaohana hanasana ny Tongony. Efa nandre ny amin'Andriamanitra Velona iray izy, tamin'ny fiaianany rehetra, fa ankehitriny kosa izy nahita Azy tamin'ny masonry. Fantany fa Izy *io*, ary nahazo azy ny tsindrimandry, ka hoy izy, "*Ity ilay Iraka!*" Nila asa iray Izy (tsy nanana na inona na inona hanompoana Azy izy), naloto ny Tongony. Fa nandeha haingana izy na ahoana na ahoana, mba hanao asa iray ho Azy, satria voatsindrimandry hanao an'izany izy.

¹⁷² O ry mambram-piagonana miverin-dàlana, lehilahy na vehivavin'ny anaram-piagonana, tsy afaka mahita an'izay ilain'i Jesosy ve ianareo izao hariva izao? Raha mba afaka

mahazo anareo fotsiny mantsy ny tsindrimandry, dia izao no ora hanaovana an'izany. Fa nahita Azy tamin'ny masonry izy. Ireo hafa teo aza dia naneso Azy. Tsy nino Ny Hafany izy ireo. Am-pahatsorana, ilay tompon-trano, ilay pasitera tompon-trano, Simona antitra, no nanao Azy ho tonga teo mba hanesoana Azy. Tsy nino izy ireo fa hoe mpaminany iray Izzy.

¹⁷³ Koa noho izany rehefa toy ny hoe voalamin'ny devoly tsara mihitsy ilay izy mba hahatonga azy hilaza an'izany, dia niteny tao amin'ny tenany izy hoe, "Raha mpaminany iray io lehilahy io, dia ho fantany hoe karazana vehivavy inona io eo an-tongony io. Raha mpaminany iray izy!" Hitanareo, tsy voambara taminy akory aza hoe Iza Izzy. Tsy nisy tsindrimandry iray mihitsy afaka nahazo azy, satria tsy misy na inona na inona hahazoana azy teo. Fa tsy maintsy nahazo azy izany!

¹⁷⁴ Nahita ny tany ankoatry ny fitsikerany ny masonry. Nino izy fa izany Izzy, hitanareo, ny Tenin'ireo mpaminany. Fantany fa Izany no Tenin'ireo mpaminany rehetra, voamarina teo Aminy. Efa nandre izy fa teto an-tany Izzy, fa ankehitriny kosa izy mahita Azy. Diniho izay nataony. Hitany ny Teny tonga nofo, ilay Mesia, ilay Imanoela. Rehefa nanome fivoahana ho an'ny fitempon'ny finoany izy (ny fanambarana ny hoe Iza Izzy, tamin'ny fotoana nahavelomany, hoe Izzy no Zanak'ondrin'Andriamanitra ho an'ny mpanota tahaka azy), dia nandroso izy hanompo an'ireo Nilainy tsy nahafantatra hoe ahoana no hanaovany an'izany.

¹⁷⁵ Tahaka an'izany no ahatongavan'ny fanasitrana tena izy, rehefa voambara aminareo fa "Izy dia voalefona nohon'ny fahadisoantsika, nototororoina nohon'ny helotsika, ary ny Dian-kapony no nahasitrana *anareo*." Raha voatsindrimandry taminareo ny hahita Ny Fanatrehany eto, an'ny Masindahy Marka 11, na, Masindahy Lioka 17:30, hoe hanambara ny Tenany Izzy amin'ny andro farany (eo anivon'ny Olony, ao amin'ny nefon'olombelona) tahaka ny Nataony talohan'i Sodoma. Rehefa hitanareo izany, dia misy zavatra iray mahazo anareo!

¹⁷⁶ Mety milaza ny dokotera hoe, "Mbola ao foana ilay homamiadana."

¹⁷⁷ Mety milaza ilay marary hoe, "Izaho—izaho—izaho—izaho—izaho—izaho dia tsy mahafantatra hoe ahoana no hamindrako, fa hamindra aho na ahoana na ahoana." Tsy fantatsika hoe ahoana no hanaovana an'izany.

¹⁷⁸ Nandroso izy mba hanompo Azy, satria nahazo Azy ny tsindrimandry...nahazo azy, hoe io ilay ora, io ilay Iraka, io ilay Mesia Izay tsy maintsy hanasitrana, ary nino an'Izany izy. Ary nila asa iray hatao ho Azy Izzy, ka nandroso izy nefy tsy nanana na inona na inona hanehoana fa afaka hanao an'izany. Nandeha fotsiny araka ny tsindrimandriny izy. Diniho! Nosokafan'Andriamanitra ireo glandin-dranomaso tao amin'ny masonry. Ireo maso iray ihany izay efa nandre... sofina izay efa nandre Azy; ireo maso izay nahita an'Izany,

dia nisokatra niaraka tamin'ny fifaliana. Avy eo ilay volo lava hafa, nomen'Andriamanitra, niaraka tamin'ireo ranomaso nikoriana. Andriamanitra no nanolotra an'ireo famaoahany (niaraka tamin'ny volony), ary niaraka tamin'ny ranomasonry. Nanompo an'ireo Nilainy izy, ny nilain'ilay Andriamanitra Velona. Efa nandre ny amin'Izany izy, fa ankehitriny kosa izy nahita Azy, afaka nanao asa iray ho Azy.

¹⁷⁹ O ry mpanota! Nahoana ianareo no tsy manao toy izany raha mahita an'ireo ilaina ankehitriny? Hoe mila anareo Izzy, ny fanompoanareo! Ankehitriny ianareo mahita an'ilay Anankiray, Izay efa renareo indray mandeha tao amin'ny Baiboly. Nahita Azy niditra teto isika omaly hariva, sy izay Nataony. Mahita Azy isika, isaky ny favoriana, nefo matetika dia mipetraka toy ny mangatsiaka sy tsy miraika fotsiny, manao hoe, "Eny, fantatro fa milaza an'izany ny Soratra. Oh, izaho—izaho efa nahita an'izany vita, hitanareo." Tsy manana hafanam-po isika, toy ny hoe tsy mahazo antsika mihitsy ilay izy. Toy ny hoe tsy misy zavatra iray, tahaka ny hoe ianareo dia nandrara...

¹⁸⁰ Raha maka afokasoka iray ka mampitselatra azy, raha tsy manana solifara mihitsy ilay afokasoka eo amin'ny lohan'ilay afokasoka, dia tsy afaka hitselatra izy. Ary afaka mikosoka sy mikosoka ary mikosoka ianareo, fa raha zavatra simika iray no namono an'ilay solifara eo amboniny eo, dia tsy hitselatra izy, tsy hisy hazavana eo. Fa raha io zavatra simika io, ilay solifara mba hakasoka amin'ny vy no... mbola eo ambony eo foana izany rehefa mikasoka izy, dia hirehitra izany.

¹⁸¹ Ary rehefa ilay fanamarinana marina, tena izy an'ireo Soratr'ity Hafatry ny andro farany ity, ary hitanareo ny Fanatrehan'i Jesosy Kristy, ka efa nandre an'izay Nataony teo amin'ny Fiainany ianareo, ary mandre ny Soratra manao hoe "Izy no tsy miova omaly, anio ary mandrakizay"; ary mialoha mihitsy ny handoran'ny fahatezeran'Andriamanitra ny toeran'i Sodoma, dia mahita an'i Jesosy miverina indray eo anivon'ny Olony, natao tao amin'nynofon'olombelona, ary manao an'ilay zavatra iray ihany izay Nataony. Oadray! Tokony hahazo ny fanahintsika ho any amin'ny Voninahitra izany! Tokony hanao zavatra iray amintsika izany. Nahoana? Nidina teo amin'io izany.

¹⁸² Efa renareo tao amin'ny Baiboly izay Nataony, hoe ahoana no nikasihan'ilay vehivavy ny Akanjony. Nitodika Izzy ary niteny taminy hoe inona ny aretiny, ary ny finoany no nanao azy ho salama. Ankehitriny, nampantanena Izzy fa hanao an'io zavatra iray io ihany indray Izzy, mialoha indrindra ny handorana an'izao tontolo izao, ka ho ao amin'ny toeran'i Sodoma izao tontolo izao. Ny Testamenta Vaovao, ny Mpaminany, ny Mpaminanin'Andriamanitra, ny Mpaminanin'ireo mpaminany, ny Andriamanitr'ireo mpaminany rehetra, ny fahafenoan'ny Maha-Andriamanitra ara-batana, Andriamanity ny... voaseho ao amin'ny nofo, ilay Mpamorona, an'ny Genesisy. Haleloia!

Izany No Teniny! Izy no nilaza fa hitranga izany! Ary mahita ny toeran'i Sodoma isika, mahita an'izao tontolo izao ao amin'io toerana io, ankehitriny isika mahita Azy midina ary manao tanteraka an'izay Nolazainy fa Hataony. Ankehitriny, efa nandre ny Aminy isika, ankehitriny kosa isika mahita Azy! "Efa nandre ny Aminao tamin'ny sofiko aho, ankehitriny kosa aho mahita Anao amin'ny masoko." Amena! "Mahita Azy amin'ny masoko manokana aho." Ho ora iray toy ny inona izany! Ho fotoana iray toy ny inona izany! Ny fanamarinana Ny Teniny! Isan'andro rehefa voamarina ny Teny, dia izany no Andriamanitra miteny Ny Teniny, manao ny Tenany ho hita maso mba hahafahanareo hahita.

¹⁸³ Ankehitriny, indro ny mpijangajanga an-dàlambe antitra kely iray, niankohoka teo amin'ny alitara izy, teo anoloan'i Jesosy, ary nanasa ny Tongony tamin'ny—tamin'ny ranomaso, ary—ary namafa azy ireo tamin'ny volony. Nanaja Andriamanitra, hoy Izy hoe, "Na aiza na aiza hitoriana an'ity Filazantsara ity, dia aoka ho lazaina izao ho fahatsiarovana azy." Nahoana? Jereo hoe maloto toy ny ahoana izy, saingy nisy zavatra nahazo azy. Nahita ny Tenin'ny fampanantenana izy, hatrany amin'ny sahan'i Edena, ity, "ny Taranaky ny vehivavy dia hanorotoro ny lohan'ny menarana." Nahita ny Mesia izay nateraky ny virijiny iray izy.

¹⁸⁴ Nandre izy fa tsy maintsy hateraky ny virijiny iray Izy, fa izy ireo nandre hoe tetra an-tany io Lehilahy io. Nandre izy fa nisy Raby tanora iray, Mpaminany, Izay nanasitrana ny marary. Nino an'izany izy! Ary indro izy nandeha teny an-dàlambe, nandeha nanodidina, njery nanodidina. Ary njery tany izy ka nahita an'io fety lehibe izay nisy io. Nanakaiky teo amin'ny fefy izy, ka njery avy teo, ary teo Izy. Teo Izy! Nisy Zavatra nanao hoe, "Io Izy!" Hitanareo, izay ihany no nilainy mba hahavoatsindrimandry. Hitanareo ve izay nitranga? Nahita ny Tenin'Andriamanitra tonga nofo izy. Efa nandre tamin'ny sofify izy, ankehitriny kosa izy mahita amin'ny masonry.

¹⁸⁵ Ankehitriny, mahafantatra ny olona rehetra fa manana teny fikasana iray ny amin'ny toeran'ny fiangonana isika, amin'ny andro farany. Ny fiangonana, ao amin'ny toerany ankehitriny, dia tsy afaka manatanteraka an'ireo didin'Andriamanitra mihitsy, ilay fanirahana lehibe, tsy afaka hiantso an'ilay Ampakarina hivoaka mihitsy. Iza no hanao an'izany? Ny an'ireo Pentekotista ve? Hiteny aho hoe tsia. Tsy ny anankiray amin'ny sisa amin'izy ireo. Izany dia ilay akofa eo amin'ny vary. Mivoaka izany, mitovy marina amin'ilay vary mihitsy, saingy tsy misy vary ao aminy. Misokatra izy, saingy nivoaka avy tao amin'izany ilay voa. Manao rafi-pandaminana izy ireo, dia mifamono. Eo izy ireo no maty. Taho izy ireo. Fa mivoaka avy ao ilay vary, ary manomboka maka endrika ao amin'ilay endrika-Ampakarina izy ankehitriny. Ilay voam-bary izay nilatsaka tamin'ny tany nandritr'ireo taona maizina, tsy maintsy maty izy.

¹⁸⁶ Ilay mpitsikera izay manao hoe, "Nahoana ny Andriamaniry ny famindrampo iray, izay afaka nanokatra ny Ranomasina Mena, no nitsangana ka namela an'ireo Kristiana mahantre nohanin'ny liona, sy nodorana, sy ny sisa? Nipetraka, toy ny hoe Nihomehezany fotsiny ny amin'izany!" Ilay tsy mahay mampalahelo! Tsy fantany ve hoe, "Raha tsy milatsaka amin'ny tany ny voam-bary iray"? Tsy maintsy maty izy nandritr'ireo taona maizina ireo, tahaka ny tsy maintsy handehanan'ny voam-bary hafa rehetra any ambanin'ny tany ka halevina, mba hamokatra ao amin'ilay fanavaozana voalohany an'ireo tsimoka roa an'i Luther ireo, ilay taho. Tsy maintsy niseho tao amin'ireo Wesleyana izany, tany, mba hamokatra an'ilay vovom-boninkazo, ireo felana, ny taona misionera lehibe. Tsy maintsy niseho tao amin'ny Pentekotista izany, ho an'ny famerenana an'ireo fanomezam-pahasoavana, saiky mba hamitahana an'ilay tena Voafidy. Toy ny voam-bary iray; sokafy izany, fa tsy misy vary mihitsy ao, akofa fotsiny izany. Fa tao ambadik'izany, tamin'izay fotoana izay, dia nanomboka nanao an'ilay rafi-pandaminan'ny an'ny tokana izy ireo, ny rafi-pandaminan'ny trinite, ny rafi-pandaminan'ny an'ny roa, sy rafi-pandaminan'ny fiangonan'Andriamanitra, ary nanao rafi-pandaminana ny rehetra, ka fahafatesana marina tokoa! Ary inona no mitranga ankehitriny? Fa fialofana iray ho an'ilay vary izany, nitombo tamin'ny alàlan'izany hatrany izy.

¹⁸⁷ Manomboka miendaka izy ankehitriny, manomboka ho hita ilay vary. Tsy taona Pentekotista iray izao. Taonan'ny andro farany izao. Taonan'ny Ampakarina izao. Hazavan'ny hariva izao. Fotoana tsy maintsy hahatanterahan'ny Malakia 4 izao, mba hanarahana ny modelin'Andriamanitra. Izao no Lioka 17:30, mba ho tanteraka. Izao no faharoa . . . Ary Jeremia, sy ny sisa amin'izy ireo, fa Joela no niteny ny amin'izao andro izao, izao izany andro izany. "Efa nandre aho, Tompo, hoe ho avy Izany, fa ankehitriny kosa aho mahita an'Izany amin'ny masoko."

¹⁸⁸ Eo amin'ireo maro . . . mpaka tahaka sandoka firy no hitsangana, ireo Jana sy Jambra niaraka tamin'ireo fitapitany rehetra hanaovana ny zavatra rehetra izay nataon'i Mosesy, fa tsy nanetsika azy na i Arona mihitsy izany. Fantatr'izy ireo izay . . . tahaka an'i Joba, fantatr'izy ireo hoe avy tamin'Iza ny tsindrimandrin'izy ireo. Fantany fa Izany no HOY NY TOMPO HOE! Ary ilay Baiboly iray ihany izay niteny ny amin'izy ireo, nanao hoe, "Ho tonga izy ireo amin'ny andro farany, ireo mpaka tahaka." Ireo anaram-piagonana mpivavaka, rehefa misy zavatra iray manomboka . . . Iza no nanomboka voalohany? Mosesy sa izy ireo? Raha izy ireo no nanomboka voalohany, dia ho i Mosesy no ilay—ilay mpisoloky.

¹⁸⁹ Ankehitriny manana an'ireo karazana mpamantatra rehetra sy ny sisa hafa isika izay miezaka manala ny sainareo amin'ilay zavatr'Andriamanitra tena izy, izay efa

noporofoin'Andriamanitra ho ny Fahamarinana tamin'ny alàlan'Ny Sorany. "Efa nandre ny amin'Izany tamin'ny sofinay izahay, ankehitriny izahay dia mahita an'Izany amin'ny masonay." Amena! Mino an'Izany ve ianareo? [Hoy ny fiangonana hoe, "Amena."—Mpand.] Amin'ny fontsika rehetra! Tsindrimandry! Ary amin'izany andro izany rehefa ho voambara ny Zanak'olona, ny Zanak'olona, Jesosy Kristy tonga voaseho eo anivon'ny Olony.

¹⁹⁰ Lehilahy iray no nandeha teo anatrehan'i Abrahama sy ny vondrony, Lehilahy tena tsotra fotsiny, vovoka no teo amin'ny Akanjony. Nanatodika ny Lamosiny tany amin'ilay tranolay Izy, hoy Izy hoe, "Aiza i Saraha vadinao?" (tsy S-a-r-a-y, S-a-r-a-h-a; A-b-r-a-h-a-m-a, fa tsy A-b-r-a-m-a). Niantso ny anarany, nanao hoe, "Aiza izy?"

¹⁹¹ Hoy izy, "Ao anaty tranolay izy, Aorianao."

¹⁹² Hoy Izy, "Hamangy anao Aho amin'ny andron'aina" (ary nihomehy anakampony izy). Hoy Izy, "Nahoana izy no nihomehy?" (Ah-hah). Ankehitriny, Izy no nampanantena. Ireo olona ireo no hany niandry zanaka nampanantaina iray.

¹⁹³ Ankehitriny, tsy ahoako na impiry no hihetsehan'ny olona ao amin'ireo anaram-pianganana ireo, hoe izy ireo dia "miandry an'i Kristy," ny fihetsiny no manaporofa tsy miandry izy ireo. Marina izany. Miteny mafy nohon'ny teninareo ny fihetsikareo. Izay rehetra eritreretin'izy ireo dia ny hanao mambran'anaram-pianganana, nefá misy olona sasany ao, iray *eto sy etsy*, izay miandry ny Fihavian'ny Tompo. Izy ireo dia miambina...na izany aza. Ireo izay Hanambarany ny Tenany irery ihany, ireo ihany no hahazo.

¹⁹⁴ Ilay Voafidy fotsiny no hahazo hoe Iza Izy. Eritrereto fotsiny, nisy teo amin'ny olona telo tapitrisa teo angamba, ireo Jiosy, teto an-tany, fa tsy nisy iray am-pahatelon'izy ireo mba nahafantatra fa teto Izy hatramin'ny Nahatongavany sy nandehanany. Hitanareo? Fa nanambara ny Tenany tamin'ireo izay niandry Izy: Jaona Mpanao-batisa, sy—sy ireo apostoly izay nantsoin'i Jaona, sy ny sisa, ary Ana jamba tao an-tempoly, Simeona mpisorona izay "voambaran'ny Fanahy Masina taminy fa hahita ny Kristy izy." Ireo mpitarika fivavahana malaza rehetra, ireo teolojiana sy ny sisa, dia jamba arak'izay naha-azy!

¹⁹⁵ Afaka mampiakatra ny voa fotsiny ny orana, raha efa ao ilay voa. Ary tahaka anareo tsimoka iray tao amin'ny rainareo, ary tsy nahafantatra anareo izy, kanefa tao amin'ny rainareo ianareo. Fa tamin'ny alàlan'ny tany famafazan'ny reninareo, dia tonga voaseho nitovy taminy ianareo, ary afaka niresaka taminareo izy avy eo. Andriamanitra, ilay Andriamanitra Lehibe; raha manana ny Fiainana Mandrakizay ianareo, amin'izay fotoana izay ilay tsimoky ny Fiainana Mandrakizay dia efa tao amin'Andriamanitra tany amin'ny voalohany. Ary

tao ianareo, tao amin'ny Fisainany, ny anaranareo sy ny rehetra. Ary Izy, tamin'ny alàlan'ny fahalalana mialoha, no nanendry anareo hahita an'Izao. Ary ianareo izay tsy voatendry, dia tsy hahita an'Izany mihitsy. Fa, tsarovy, amin'ny Anaran'ny Tompo Jesosy, "Eto ilay ora!" Tsy hino Azy ve ianareo? Omeo Azy ny fiainanareo. Tsy maintsy mijanona aho, efa mihoatra ny amin'ny sivy izao.

Ndao isika hanondrika ny lohantsika.

¹⁹⁶ "Efa nandre aho, Tompo, ny Aminao, ankehitriny kosa aho mahita Anao!" Tompo Jesosy, tahio ity vahoaka ity raha miandry izy ireo.

¹⁹⁷ Hametraka fanontaniana iray aminareo aho ankehitriny. Hamela ny Fanahy Masina aho (matoky aho fa hanaiky Izy) hizaha ny sainareo, hizaha toetra anareo, hizaha toetra ny fanahinareo, ka hahita raha tena mino tokoa ianareo. Ary raha hitanareo fa misy fisalasalana bitika kely ao, dia hanangana ny tånanareo ve ianareo? Manaova hoe, "Tompo Jesosy, avelao aho hahita Anao. Efa nandre ny Aminao aho, fa tena mbola tsy nahita Anao mihitsy. Avelao aho hahita Anao, hino aho." Eny ary. Tsara izany.

¹⁹⁸ Misy anankiray ve eto izay tsy mahafantatra Azy ho Mpamponjinareo? Atsangano ny tånanareo, manaova hoe, "Raha... Izaho—izaho dia mpanota iray, saingy raha izaho... raha Ianao—raha hamela ahy fotsiny hahita Anao Ianao, Tompo Jesosy, haneho an'izany Teny izay resahan'izy ireo izany. Fantatro fa izany no nahitan'i Joba Anao. Fantatro fa izany no nahitan'i Abrahama Anao. Fantatro fa izany no nahitan'ny sisahetra amin'izy ireo Anao, satria Teninao Nampanantenaina izay voamarina izany. Efa nandre ny karazan-javatra rehetra aho, sy ireo fitapitaka, sy ny sisahetra, fa azoko hoe misy Hafatry ny andro farany iray eto amin'ny firenena, izay notenenin'ny Anjely iray teo amin'ilay renirano, tamin'ny 1933. Nandre ny amin'ireo fivorian'ny fanasitravana natao aho, ary fantattro fa rehefa miseho izany, dia tsy afaka hijanona ao anatin'io fahazarana tranain'ny anaram-piagonana iray io ihany." Izany dia tsy nirahina ho an'io, tsy nijanona tao mihitsy. [Elanelana tsy voaraki-peo—Mpand.]...?

¹⁹⁹ Ahoana moa raha tonga i Mosesy, nanao hoe, "Ndao isika hanorina sambofiara iray tahaka ny nataon'i Noa, hitsingevana eny amin'ny renirano any Egypta"? Oh, tsia. Hitanareo? Tsia! Nanana Hafatra iray avy tamin'Andriamanitra izy, izy no fanehoana. Ny fidiran'io mpaminany io teo amin'ny sehatra, dia tokony ho nanaporofa tamin'ny Israely teo no ho eo. Efa tsy nanana mpaminany iray izy ireo nandritry ny efajato taona, efa tsy nanana mpaminany iray izy ireo, ary indro miditra eo amin'ny sehatra ny mpaminany anankiray. Tokony ho nahafantatra izy ireo fa misy zavatra iray hitranga.

²⁰⁰ Efa tsy nanana mpaminany iray indray ny Israely nandritry ny an-jato taonany, ary indro fa tonga eo amin'ny sehatra Jesosy.

Ary ilay vehivavy teo amin'ny fantsakana, hoy izy, "Tompoko, hitako fa mpaminany iray Ianao. Ankehitriny, efa tsy nanana anankiray izahay nandritry ny efajato taona." Satria, Fantany izay tao am-pony. Hitanareeo?

²⁰¹ Ankehitriny, nampanantenaina taom-piangonana iray isika nandritr'ireo mpanavao, ary nanana azy ireny isika. Fa nampanantena Izzy, ao amin'ny Malakia 4, fa hihazona ny Modeliny Izzy amin'ny andro farany, izay hiseho hoe, "Hamerina ny fon'ny zanaka hiverina amin'ny Finoan'ny ray apostolika." Ho an'io tena tanjona io! Ary tena nizarazara tao anatin'ny anaram-piangonana sy ny isma ilay fiangonana, tena potipotika izy hany ka maty; mpitondra iray izy. Ary nampanantena Izzy avy eo, fa amin'ny oran'ny Hafatry ny anjely fahafito, dia ho voambara ireo Tombokase Fito; ary ho voalaza ireo zava-miafin'Andriamanitra (Apokalypsy 10) rehefa manomboka hitsoka ny Hafany ilay anjely fahafito, tsy ilay asam-panasitranana, fa ny Hafatra izay manaraka an'ilay asam-panasitranana.

²⁰² Jesosy dia "zalahy nalaza" iray raha mbola afaka nanasitrana ny marary foana Izzy. Fa nilaza Izzy rehefa, "Izaho sy Ny Raiko dia Iray."

²⁰³ "Hah-ah! Diso izany!"

²⁰⁴ Joba dia "nalaza," mandra-pitrangan'ny zavatra iray taminy. Hitanareeo? Toy izany foana ilay izy.

²⁰⁵ Minoa! Hanaiky Azy ve ianareeo ankehitriny? Atsangano ny tanganareo, manaovala hoe, "Tena mino Azy aho. Te-hanaiky Azy aho." Andriamanitra hitahy anao. Andriamanitra hitahy anao. Tsara izany.

Ankehitriny tena mipetraha tsara ka mivavaha vetivety fotsiny.

²⁰⁶ Andriamanitra malala, ao amin'ity fotoana feno haja ity, ho fotoana iray tahaka an'ity rehefa tena hisy ny fitefoky ny kotrokorana indray andro any, ka hidina avy any andanitra ny Zanak'Andriamanitra miaraka amin'ny fiantsoana, amin'ny feon'ny Arikanjely, ary ny trompetran'Andriamanitra, hitsangana ny maty ao amin'i Kristy. Ary mahafantatra sy mahalala tsara ny tsirairay avy aminay izao hariva izao, Ray, fa tsy maintsy hamaly nohon'ny teny rehetra izay nomenay izahay, sy ny teny rehetra izay lazainay. Na ireo eritreritra izay ao amponay aza, dia hamaly nohon'ny amin'izany izahay. Mivavaka Aminao aho, Andriamanitra, amin'ny Anaran'i Jesosy, mba Hanadiovanao ny fo rehetra izay ato. Diovy ny foko, diovy ny fon'ity vahoaka ity. Ary enga anie izahay ho voaomana, Tompo, ary enga anie ny masonay ara-panahy hisokatra izao hariva izao mba hahita ny Voninahitr'Andriamanitra Tsitoha. Efa nandre ny Aminy izahay, O Ray, Andriamanitra, mivavaka izahay mba Hamelanao anay hahita Azy. Ekeo izany, Ray. Ekeo ireo fitahiana ireo, mivavaka aho, amin'ny alàlan'ny Anaran'i Jesosy Kristy. Amena.

²⁰⁷ Tsarovy: Ao am-ponareo, eo amin'izay ipetrahanareo, no anamboary ny alitara kelinareo. Manaova hoe, "Tompo Jesosy, midira ato am-poko ankehitriny. Omeo zavatra iray aho mba... zavatra iray izay azoko hihazonana. Avelao aho hahatsapa an'io tsindrimandry io izay miteny amiko fa Ianao dia 'manatrika.'"

²⁰⁸ Ankehitriny, filazana iray toy ny inona no atao amin'ny olona! Toy ny inona ny—ny zavatra iray hatao! Hangataka amin'ny Tompo Andriamanitra aho ankehitriny, hangataka . . .

²⁰⁹ Firy aminareo no mandray an'ireo horonam-peo? Efa nandre ve ianareo ny amin'ny: *Amin'Ny Firy Izao, Tompoko?* Tsy efa nasehontsika ve ireo magazina sy ny sisa, herintaona talohan'ny nitrangan'ilay izy? Saikatra teo amin'izany ny siansa. Nisy an'ny Tompo Jesosy teo izay voaisy satroboninahitra ary niaraka tamin'ilay solovolo fotsy araka ny hitanareo ao amin'ny Baiboly, ao amin'ny Apokalypsy 1, sy ny Daniela, Mpitsara Faratampon'ny Lanitra sy ny tany. Teo mihitsy, nefà tsy afaka nahita an'Izany tamin'ny tenany akory aza ny siansa. Ary tao amin'ilay trano fandinihana, tany amin'ny Universiten'i Arizona tany sy hatrany Mexico, nikaroka izy ireo, efa nikaroka nandritr'ireo taona roa farany. Ary nolazaina taminareo teo izany, izany dia "hitranga," mialoha.

²¹⁰ Ahoana ny amin'ilay horohorontanin'i Alaska? Diniho i Hollywood mianjera ao anatin'ny ranomasina! Diniho ka jereo raha tsy izany izy. Tsy mbola niteny zavatra diso iray tamiko mihitsy Izy, hanao an'izany izy. Hitanareo? Ary diniho fotsiny ka jereo raha tsy miaina ao amin'ny famaranana an'ireo oran'ny tantara isika. Tsy misy olona mahafantatra hoe amin'ny fiery Izy no ho avy. Fa zavatra tokana ihany no fantatro: Mino aho, ao amin'ny toerako ankehitriny, raha ao amin'ny saiko tsara, fa raha tsy Kristiana iray aho, dia azoko antoka hoe te-ho tena Kristiana iray ara-Baiboly aho, fa tsy araanaram-piangonana iray. Aza miankina amin'ny hoe satria efa nihiakiaka ianareo. Nandre an'izany isika aninkeo maraina, nanaporofa an'izany tamin'ny alàlan'ny Tenin'Andriamanitra; any ivelan'ny sitrapon'Andriamanitra izany rehetra izany, tsy manao afa-tsy ny miteraka fahafatesana. Aza mankao amin'ilay taho, aoka ho ao amin'ny Fiainana. Hitanareo? Manàna finoana an'Andriamanitra.

²¹¹ Mino ve ianareo fa ilay Andriamanitra izay nanao an'ity teny fikasana ity, izay nameho ny Tenany, ao amin'ny Bokin'ny Genesisy, ary niseho tamin'i Abrahama ka nanao an'io fahagagana io... Io Andriamanitra iray io ihany no tonga nofo, nofon'olombelona, nateraky ny virijiny iray. Teofania izany teo, mazava ho azy, fa avy eo rehefa tonga tao amin'ny nofon'olombelona Izy ka ilay Lehilahy iray ihany, ary nanao an'ireo zavatra iray ihany,... Tsy mino ve ianareo fa raha afaka mahazo olona iray Andriamanitra, ka Nampanantenainy ny hanao araka ny Malakia 4, fantsona iray izay Azony hitenenana, dia hanao an'ilay zavatra iray ihany izay Nolazainy fa Hataony

Izy eo? Mino an'izany ve ianareo? Mino aho fa Izy dia hanao, ihany koa.

²¹² Mino ve ianareo fa afaka hanana finoana hikasihana ny Akanjony, ny Finoany hikasihana an'ilay akanjo? Mino ve ianareo izao ankehitriny izao fa misy zavatra iray miteny amin'ny fonareo izay hiteny aminareo hoe manana finoana hikasihana ny Akanjony ianareo? Mino ve ianareo fa afaka manao an'izany ianareo? Mitsangàna dia mikasiha amin'ny finoanareo àry, tsy amin'ny fientanam-po, fa amin'ny finoana madio tanteraka mihitsy, tsy mifangaro. Manaova fotsiny hoe, "Tompo, mino aho. Mino amin'ny foko rehetra aho. Maniry ny Hokasihanao aho satria izaho—izaho dia efa nandre Anao nanao an'izany, ankehitriny aho te-hahita an'izany amin'ny masoko manokana."

²¹³ Ary tsy afaka mikasika anareo aho. Andriamanitra no ilaina hanao an'ilay fikasihana. Mino ve ianareo fa hanao an'izany Izy? [Hoy ny fiangonana hoe, "Amena."—Mpand.]

²¹⁴ Mijery ato aoriana eto amin'ny ankaviako mihitsy aho eto. Toy ny hoe misy fantsona iray eo, karazany, araka ny noteneniko, misintona mankany. Satria nalefako nankaty ilay izy, ankehitriny dia lasa tsara izany. Ramatoa iray mipetraka eo miaraka amin'ny vadiny izany. Tsy avy eto izy. Avy any Texas izy, Dallas. Mijaly izy, mijaly koa ny vadiny. Mijaly nonoh'ny fahasaratana iray izy, nahazo fandidiana iray. Marina izany. Mijaly amin'ny zavatra iray amin'ny lamosiny ny vadiny, aretin-damosina. Atoa. sy Rtoa. Corbet, avy any Texas; Dallas, Texas. Raha izany ilay izy, dia atsangano ny tânanareo. Vahiny aminareo aho. Marina ve izany? Tsy misy fomba eto amin'izao tontolo izao ho ahy hahafantarako an'izany. Inona izany? "Efa nandre ny Aminao tamin'ny sofina aho, ankehitriny kosa aho mahita Anao." Hitanareo ve izay tiako ho lazaina? Ankehitriny anontantio io mpivady io. Tsy mbola nahita azy ireo mihitsy aho teo amin'ny fiainako. "Efa nandre ny Aminao tamin'ny sofina aho, ankehitriny kosa aho mahita Anao amin'ny masoko."

²¹⁵ Raha mety mino ianareo, dia afaka manolotra an'izay tianareo Andriamanitra.

²¹⁶ Io lehilahy mipetraka etsy io miaraka amin'ny tânany mitsangana eo amin'ny saokany, miaraka amin'io tosi-drà avo io. Mino ve ianao fa hanao anao ho salama Andriamanitra, tompoko? Mino ianao? Mipetraka miaraka amin'ny tânanaeo tahaka an'izao, mino ve ianao fa hanasitrana anao amin'io tosi-drà avo io Andriamanitra? Atsangano ny tânanaeo, raha mino an'Izany ianao. Eny àry, manao an'izany Izy. Tsy mbola nahita an'ilay lehilahy mihitsy aho teo amin'ny fiainako, tsy mahafantatra na inona na inona mikasika azy. Saingy renareo fa Jesosy no nilaza, eto amin'ny Baiboly, hoe hanao an'ireo zavatra ireo Izy, ankehitriny mahita an'izany ianareo! Hitanareo ve izay tiako ho lazaina? "Raha mety mino ianareo, dia azo atao ny zavatra rehetra." Ho an'ireo izay mino irery ihany! Izany dia mila

tena finoana, tena izy hanao azy. Fa raha mety mino an’Izany ianareo, dia heken’Andriamanitra izany.

²¹⁷ Misy ramatoa iray mipetraka ery aoriana ery mihitsy, mijery ahy, tratry ny fivontosana ao amin’ny tendany.

²¹⁸ Ramatoa mipetraka eo akaikiny, mipetraka eo anilany, mba hahazoany, io ramatoa eo io dia manana tosi-drà avo, ihany koa. Marina izany.

²¹⁹ Ramatoa mipetraka eo anilany, izy dia tratry ny—ny aretina, ihany koa. Ary tsy avy eto izy, avy any Arkansas. Tsy fantany ilay izy. Ramatoakely Phillips, minoa an’i Jesosy Kristy Tompo dia aoka ho sitrana! Mino Azy ve ianao? Amin’ny fona rehetra? Manaiky an’Izany ve ianao? Eny àry. Noho izany afaka mahazo an’izany ianao.

Hoy ianareo ankehitriny hoe, “Mahagaga izany.” Tsia! Tsia!

²²⁰ Hoy Jesosy hoe, “Simona ny anaranao, ianao dia zanak’i Jonasy.” Marina ve izany?

²²¹ “Efa nandre ny Aminao tamin’ny sofiko aho, ankehitriny kosa aho mahita Anao amin’ny masoko.” Ankehitriny tsy hitanareo ve izay mitranga? Misy olona iray mipetraka etsy mihitsy, mijery, mino, matoky, ary tampoka teo dia mitranga eo ilay izy. Hitanareo?

²²² Mahatsapa ho tsaratsara kokoa ve ianao, anaka, izao hariva izao, noho ianao omaly hariva? Mifitsaka tsara? Tena tsara ilay izy ankehitriny, ho salama ianao (ah-hah). Nipetraka teto izy omaly hariva, nanakatroka ny lohany sy ny sisa hafa; ankehitriny, izao hariva izao, dia toy ny lehilahy mihaja iray izy. Hitanareo? Nisavoritaka kely izy mikasika an’ireo zavatra, saingy milamina tsara daholo izany ankehitriny. Hitanareo? Ho tena tsara izany. Hitanareo? “Ary amin’izany andro izany, dia ho voambara ny Zanak’olona, hitanareo, alohan’ny handorana an’i Sodoma mihitsy.”

²²³ “Efa nandre ny Aminao tamin’ny sofiko aho, ankehitriny kosa aho mahita Anao amin’ny masoko. Nandre an’i Jesosy Kristy aho nilaza fa Izy no nampanantena an’izany, mahita an’io teny fikasana io velona aho izao ankehitriny izao.” Hitanareo? “Efa nandre ny Aminao tamin’ny sofiko aho, ankehitriny kosa aho mahita Azy amin’ny masoko.” Firy no mino an’Izany ho Izy? (O Andriamanitra!)

²²⁴ Ankehitriny, raha mbola eto isika . . . efa tara izao. Hanana favoriana lehibe iray ho an’ny fanasitravana isika rahampitso hariva. Manantena ny hijoro eto izaho sy Rahalahy Moore ka hivavaka ho an’ny olona rehetra izay te-handalo eo amin’ilay laharana. Fa nieritreritra aho teo am-pitenenana an’izany izao hariva izao, hoe hanao antso eny amin’ny alitara fotsiny. Fa nieritreritra aho avy eo hoe, “tsia,” Izao no voalaza teo hoe, “Efa nandre ny Aminao tamin’ny sofina aho, ankehitriny aho dia te-hahita Anao amin’ny masoko.” Eto Izy ankehitriny. Mino an’izany ve ianareo?

²²⁵ Ankehitriny ndao isika hametraka ny tānantsika eo amin'ny anankiray hafa. Ankehitriny, tsarovy, ilay Anankiray ihany izay nampanantena fa Izy no hanao an'izao, no nanao hoe, "Izao famantarana izao no hanaraka an'ireo izay mino." Nilaza an'Izany ve Izy? Mpino iray ve ianareo? Manaovala hoe, "Amena." Eny, noho izany, ilay Andriamanitra iray ihany izay nanao an'io teny fikasana izay hitanareo Nataony izao ankehitriny izao io,... Anontanio ireo olona rehetra ireo, tsy mbola nahita azy ireo mihitsy aho, tsy mahafantatra na inona na inona mikasika azy ireo. Tsy hahafantatra azy ireo akory aho izao ankehitriny izao, hitanareo, tsy mety izany amiko. Fa tsy maintsy tanteraka ity Soratra ity! Eny, raha tanteraka izany, dia izany no maneho fa ao amin'ireo andro farany isika, ho fantatsika fa ny Zanak'olona dia efa vonona ny ho... ho avy, satria hanambarana ny Tenany ao amin'nynofon'olombelona Izy. Marina ve izany?

²²⁶ Noho izany fantatsika fa marina izany, ary milaza ianareo hoe mpino Azy ianareo, dia manana ny tānanareo mipetraka eo amin'ny anankiray hafa ianareo. Ary raha mipetraka eo amin'ny anankiray hafa ny tānanareo, dia io Zanak'Andriamanitra iray io ihany izay eto mba hanao an'izao ho lasa marina eo amin'ny masonareo, io Zanaka iray io ihany no eto mba hanao hoe, "Ho sitrana izy ireo!" Ilay Zanak'Andriamanitra iray ihany! "Nandre aho fa nilaza Izy hoe, 'Raha mametraka ny tānany ireo mpino, dia ho sitrana izy ireo.' Nandre an'izany tamin'ny sofiko aho, ankehitriny dia avelao aho hahita an'izany amin'ny masoko. Izy no nampanantena hanao an'izany."

Ankehitriny raha mbola mivavaka aho, dia mivavaha ianareo.

²²⁷ Tompo Jesosy, amin'ny Anaran'ny Tompo Andriamaniry ny Lanitra, aoka Ny Fanahinao hilatsaka ao am-pon'ireto olona ireto; ilay finoan'Andriamanitra tena izy, izay hanamarina an'io teny fikasana io amin'izy ireo. Ary enga anie ilay Andriamaniry ny Lanitra hanasitrana ny tsirairay avy amin'izy ireo, raha mankatò ny Didinao amin'ny fifametrahan-tānana izy ireo. Ho tanteraka anie izany, Tompo. Amin'ny Anaran'i Jesosy Kristy, ekeo mba ho tanteraka izany, ho an'ny Vōninahitramo.

²²⁸ Ankehitriny, mino ve ianareo fa azonareo izay nangatahinareo? Misy zavatra iray ao am-ponareo ve miteny aminareo? Tsapanareo ve io pentin-tsindrimandry io, nanao hoe, "Nahoana, tapitra ilay izy! Vita ilay izy!"?

²²⁹ Nilaza ny didin'Andriamanitra fa afaka nandre an'izany tamin'ny sofintsika isika, ankehitriny afaka mahita an'izany amin'ny masontsika isika. Hoy i Joba hoe, "Efa nandre ny Aminao tamin'ny fandrenesan'ny sofina aho, fa ankehitriny kosa aho mahita Anao amin'ny masoko."

²³⁰ Ankehitriny, nandre an'izany tamin'ny Teny ianareo, tamin'ny fandrenesana ny Teny, "Ny finoana dia avy amin'ny fandrenesana, fandrenesana ny Teny." Ankehitriny ianareo

dia mahita Azy miasa, amin'ny masonareo! Ankehitriny, io Andriamanitra iray io ihany izay nilaza an'izany, rehefa tsy maintsy niseho ireo zavatra ireo, hoe "hametraka ny tānany eo amin'ny marary ireo mpino an'Ity dia ho sitrana ireny." Nilatsaka tao am-ponareo ve ankehitriny fa ianareo dia "sitrana"? Atsangano ny tānanareo raha nilatsaka izany. Amena! Izany no tena fanasitranana apostolika. Matotra amin'izany ve ianareo? Mino an'Izany amin'ny fonareo rehetra ve ianareo? Haleloia! Izay ihany no ilaintsika.

Ndao isika hitsangana ka hanome Azy ny dera, raha izany.

²³¹ Misaotra Anao, Tompo Jesosy. Isaorana anie ny Anaran'ny Tompo.

Ho deraiko Izy! Ho deraiko Izy!
Derao ilay Zanak'ondry voavono ho an'ny
mpanota;
Omeo voninahitra Izy, ianareo olona rehetra,
Fa Ny Ràny no nanasa ny pentipentina tsirairay.

²³² Ankehitriny, tianareo ve Izy? Ankehitriny ndao isika, ny rehetra miaraka, hanome voninahitra Azy, ianareo olona rehetra. Ankehitriny, jereo, raha efa voambaran'Andriamanitra taminareo izany, ao amin'ilay fantsona izay namonjena anareo, ilay fantsona iray ihany izay niteny taminareo hoe "voavonjy ianareo," ilay fantsona iray ihany no iasan'Andriamanitra, tahaka ny Nataony teo amin'i Joba sy ireo mpaminany, niasa teo aminareo Izy tamin'ny alàlan'io fantsona io amin'ny maha-Kristiana iray, amin'ny alàlan'ny Fanambarany Masina hoe "sitrana ianareo," amin'izay fotoana izay tsy misy na inona na inona hanakana an'izany tsy hitranga.

Koa omentsika voninahitra Izy, ianareo olona
rehetra,
Fa Ny Ràny no nanasa ny tsirairay... (Ny
fisalasalana rehetra; nanasa ny fisalasalana
rehetra.)

Ho deraiko Izy! Ho deraiko Izy!
Derao ilay Zanak'ondry voavono ho an'ny
mpanota;
Omeo voninahitra Izy, ianareo olona rehetra,
Fa Ny Ràny no nanasa ny pentipentina tsirairay.

²³³ Oh, tsy tianareo ve Izy? Ah, mahafinaritra toy ny ahoana. "Efa nandre ny Aminao aho, Tompo, tamin'ny sofiko, ary ny finoana dia avy amin'ny fandrenesana; fa ankehitriny kosa aho mahita Anao, Andriamanitra mampahfantatra ny Tenany eo anivon'ny Olony tahaka ny Nataony tamin'i Abrahama, amin'ny alàlan'ny Fampantanenany eto hoe hanambara ny Tenany ny Zanak'olona amin'ny andro izay hahalasa an'izao tontolo izao ao amin'ny toeran'i Sodoma iray."

²³⁴ Ary nisy iraka telo tonga, nidina avy tany An-danitra.

²³⁵ Fa nisy vondrona ara-anaram-piangonana iray tany Sodoma, ary Billy Graham iray sy Oral Roberts iray no nandeha tany. Nefa tsarovy araka ny nolazaiko taminareo, fa na aiza na aiza ao amin'ny tantaran'ny fiangonana dia tsy nisy mihitsy iraka maneran-tany iray nirahina ho an'ny fiangonana, hatramin'izao, miaraka amin'ny anarany miafara tahaka ny hoe Abrahama, [Amin'ny teny Anglisy dia Abraham—Mpand.] h-a-m. G-r-a-h-a-m, litera enina, ho an'izao tontolo izao, isan'olombelona.

²³⁶ Fa Abrahama [Abraham] dia nanana litera fito ao amin'ilay anarana, isan'Andriamanitra feno sy tanteraka. Hitanareo?

²³⁷ Ary mariho ny nataon'ireo iraka izay nandeha tany: nitory ny Teny, niantso azy ireo hivoaka, niteny tamin'izy ireo mba hibebaka.

²³⁸ Fa ilay Anankiray Izay nijanona taty aoriana niaraka tamin'i Abrahama, hitanareo, dia nanao fahagagana iray tamin'ny fitenenana tamin'i Abrahama an'izay nataon'i Saraha sy ny noeritreretiny tao anatin'ilay tranolay Taoriany. Ary Jesosy, Izay ilay Anankiray tao amin'io Olona io, dia nanao hoe, "Rehefa tonga ao amin'ny toeran'i Sodoma iray izao tontolo izao, tahaka azy tamin'izany fotoana izany, dia ho voambara indray ny Zanak'olona." Ary manamarina ireo Soratra hafa rehetra fa izany ilay izy. Ny... "Tamin'ny voalohany dia ny" [Hoy ny fiangonana hoe, "Teny,"—Mpand.] "ary ny Teny tao amin'ny" ["Andriamanitra,"] "ary ny Teny dia" ["Andriamanitra."] "Ary ny Teny dia tonga nofo ka nonina teo anivontsika." Marina ve izany? Ankehitriny isika dia mahita an'io Teny nampanantaina io, an'i Lioka, an'i Malakia, ireo teny fikasana hafa rehetra manomboka androany, tonga nofo, monina eo anivontsika, izay rentsika tamin'ny sofintsika; ankehitriny isika mahita Azy (amin'ny masontsika) mandika Ny Teniny Manokana, tsy mila fandikan'olona iray isika. O ry Fianganan'Andriamanitra velona, eto sy ny ao amin'ny telefona, mifohaza haingana, alohan'ny haha-tara loatra an'ilay izy! Andriamanitra hitahy anareo.

Tiako Izy, tiako Izy
 Satria nitia ahy mialoha Izy,
 Ka nividy ny famonjeko
 Teo amin'ny hazon'i Kalvary.

²³⁹ Azonareo eritreretina ve, ry fiangonana, fa mijery amin'ny masonareo manokana ianareo... Ilay Tenin'Andriamanitra velona tonga voaseho, ilay teny fikasan'ny ora, amin'ny andro farany, mijery amin'ny masonareo manokana an'ilay Teny velona voadika amin'ny endrika ara-boajanahary, Andriamanitra eo anivontsika! "Mahita Azy amin'ny masoko manokana aho, ilay Anankiray... Nandre aho fa Hataony izany." Niandry an'izao andro izao ireo hendry fahiny rehetra, ankehitriny isika mahita an'Izany voaseho amin'ny masontsika manokana. Firy ireo Metodista mpikiakiaka fahiny, Batista, ary ireo tena

pentekotista, tena izy tamin'ny taonany, no naniry mafy ny hahita an'izao hitranga! Maro tamin'izy ireo no nahafantatra fa hitranga izany. Fa isika no mitsangana izao hariva izao mahita an'izany mitranga! Oh! Tsy tianareo ve Izzy?

²⁴⁰ Ankehitriny, hoy Jesosy hoe, “Izao no hahafantaran’ny olona rehetra fa Mpianatiro ianareo, raha mifankatia ianareo.” Noho izany raha tia Azy isika, dia ndao isika handray ny tànan’ireo hafa ka hihira ny *Ho Deraiko Izzy!* *Ho Deraiko Izzy!* Eny àry.

Ho deraiko Izzy! Ho deraiko Izzy!
O derao ilay Zanak’ondry voavono ho an’ny mpanota;
Omeo voninahitra Izzy, ny rehetra... (Manao ahoana ianareo?)... olona
Fa Ny Ràny no nanasa ny pentipentina tsirairay.

²⁴¹ Inona no nolazain’ilay mpanjakavavin’i Beltesazara teo anatrehan’ny mpanjakany tamin’io hariva io? “Misy lehilahy iray ao amin’ny fanjakanao izay mpampisinda ny fisalasalana.” Ary ny Fanahy Masina, izao hariva izao, no Mpampisinda ny fisalasalana! Mino an’izany ve ianareo? (Inona no ilainy? Oh, tena tsara izany.) Ilay Mpampisinda ny fisalasalana! Ankehitriny, ny Ràn’i Kristy no nanaisotra ny pentipentina tsirairay, ny pentipentin’ny fisalasalana. Tsy misy ota lehibe nohon’ny tsi-finoana eto amin’izao tontolo izao, “Fa izay tsy mino, dia efa voaheloka sahady!” Marina ve izany? “Izay tsy mino dia voaheloka.” Tokana ihany ny ota, ary ny tsi-finoana izany. Tsy ny mifoka no ota, tsy ny manozona no ota, tsy ny mijangajanga no ota, tsy ny mandainga no ota; tsy izany no ota, ireo vokatry ny tsi-finoana izany. Tsi-finoana! Manao an’izany ianareo satria tsy mino. Raha tena mino an’Izany ianareo, dia tsy manao an’izany.

²⁴² Oh! Oh! Inona... Mahafinaritra! Ary ny Ràn’ilay Zanak’ondry no nanadio ny fisalasalana rehetra. Mino Ny Teniny isika, am-pahamafisana. Mino isika fa tonga nofo ny Teny. Ary mino isika fa ny Teny *dia* tonga nofo tamin’ny alàlan’ny fanamarinan’Ny Fanatrehany ankehitriny mba hanamarina Ny Teniny. Mino an’Izany ve ianareo? Andriamanitra hitahy anareo.

²⁴³ Manantena ny hahita anareo eto izahay amin’ny maraina, ho an’ny fotoana lehibe iray ao amin’ny Tompo. Aondreho ny lohanareo ankehitriny, ary omeko an-dRahalahy Lindsay ny fotoana.



EFA NANDRE AHO FA ANKEHIRINY KOSA AHO MAHITA MAG65-1127E
(I Have Heard But Now I See)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Sabotsy hariva, 27 Novambra 1965, tao amin'ny Life Tabernacle ao Shreveport, Louisiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2016 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org